

<https://doi.org/10.46991/hc.2022.17.1.039>

Ֆելիքս Մովսիսյան

*պ. գ. դ., պրոֆեսոր, Վանաձորի Հ. Թումանյանի անվան պետական համալսարանի Պատմության ամբիոնի վարիչ*

## ԱՐԵՎՍՏԱՀԱՅ ՄԱՍՈՆՆԵՐԸ ԵՎ ԱԶԳԱՅԻՆ ՄԱՀՄԱՆԱԴՐԱԿԱՆ ՇԱՐԺՈՒՄԸ

**Հիմնաբառեր.** Թանգիմաթ, բարեփոխումներ, արևմտահայ երիտասարդներ, կրթություն, լուսավորություն, առաջադիմություն, միություն, կազմակերպություն, սահմանադրություն, շարժում, մասոններ:

*Արևմտահայության ազգային սահմանադրական շարժման ակունքներում կանգնած էին Եվրոպայում կրթություն ստացած պոլսահայ ու զմյուռնահայ երիտասարդ մտավորականները: Նրանց գաղափարական ձևավորման վրա մեծ ազդեցություն են թողել XVIII դարի ֆրանսիական լուսավորության գաղափարները, 1848 թ. ֆրանսիական հեղափոխության հաղթանակը և հանրապետության հռչակումը: Այդ երիտասարդներից շատերը, տոգորված ազատ որմնադիրների ընկերությունների «ազատություն, հավասարություն, եղբայրություն» կարգախոսով, Թուրքիայում ձեռնամուխ եղան լուսավորության, առաջադիմության և հասարակական առաջընթացի գաղափարների տարածմանը: Եվրոպականացած արևմտահայ մտավորականները, որոնցից շատերը մասոնական օթյակների անդամներ էին, Թուրքիայում դարձան ազգային սահմանադրական շարժման նախաձեռնողները, գաղափարախոսները, կազմակերպիչներն ու գործիչները:*

**Feliqs Movsisyan**

*PhD, Professor, Head of the Chair of History of Vanadzor State University after H. Tumanyan*

## WESTERN ARMENIAN MASONS AND NATIONAL CONSTITUTIONAL MOVEMENT

**Keywords:** Tanzimat, reforms, Western Armenian young people, education, enlightenment, progress, public organizations, constitution, movement, masons.

The origins of the Western Armenian national constitutional movement were young Armenian intellectuals from Constantinople and Smyrna who had received their education in Europe. Their ideological formation was greatly influenced by the ideas of the French Enlightenment of the 18<sup>th</sup> century, the victory of the French Revolution of 1848 and the

proclamation of the republic. Many of these young people, imbued with the motto of stonemasons “freedom, equality, fraternity”, began to spread the ideas of enlightenment, progress and social development in Turkey. The Europeanized Western Armenian intelligentsia, many of whom were members of Masonic lodges, became the initiators, ideologists, organizers and activists of the national constitutional movement in Turkey.

**Феликс Мовсисян**

*доктор исторических наук, профессор, заведующий кафедрой истории  
Ванадзорского государственного университета им. Ов. Туманяна*

## ЗАПАДНОАРМЯНСКИЕ МАСОНЫ И НАЦИОНАЛЬНОЕ КОНСТИТУЦИОННОЕ ДВИЖЕНИЕ

**Ключевые слова:** Танзимат, реформы, западноармянская молодежь, образование, просвещение, прогресс, общественные организации, конституция, движение, масоны.

У истоков западноармянского национального конституционного движения стояли молодые армянские интеллектуалы из Константинополя и Смирны, получившие образование в Европе. На их идейное становление большое влияние оказали идеи французского Просвещения 18 века, победа Французской революции 1848 года и провозглашение республики. Многие из этих молодых людей, проникнувшись девизом вольных каменщиков (масонов) «свобода, равенство, братство», стали распространять в Турции идеи просвещения, прогресса и социального развития. Европеизированная западноармянская интеллигенция, многие из которых были членами масонских лож, стали инициаторами, идеологами, организаторами и активистами национального конституционного движения в Турции.

\* \* \*

**Ներածություն:** Արևմտահայ երիտասարդության գաղափարական ձևավորման վրա լուրջ ազդեցություն թողեցին 1848 թ. Եվրոպական հեղափոխական, ազգային-ազատագրական պայքարը, ազգային միավորման և սահմանադրական շարժումները: Արևմտահայությունը հատկապես 1848 թ. ֆրանսիական հեղափոխությանն է պարտական իր «կեանքի յառաջադիմական երևույթներից շատերին» (Աճառեան, 2001, 144): Եվրոպական մասոնական օթյակների նախաձեռնությամբ և դրանց անմիջական գլխավորությամբ (Baylot, 1968, 241-251; Вейл, 1906, с. 57, История XIX века, 1938, 349) հանուն առաջընթացի և ազգային միավորման համար այդ շարժումներն ընթացան XVIII դարի ֆրանսիական հեղափոխության «ազատություն, հավասարություն, եղբայրություն» մասոնական կարգախոսով (Пименова, 1992, 62, 72; Рубинский, 1976, 139): Այդ շարժումները դուրս եկան Եվրոպայի սահմաններից, հասան Բոսֆորի ավերը՝ բարերար ազդեցություն թողնելով օսմանյան տիրապետության տակ հեծող արևմտահայության շրջանում: Եվրոպական լուսավորության, առաջադիմության և քաղաքական բարեփոխումների ջատագովներն ու

գաղափարակիրները 1840-ական թթ. հատկապես Ֆրանսիայում ու Իտալիայում ուսանած, «իսկապես կրթված», ֆրանսիական հեղափոխության ազատամտական գաղափարներով տոգորված, մասնություն հետ առնչություններ ունեցած և «ազգային ոգով ներշնչված մարդիկ էին» (Ալպոյաճեան, 1964, 78): Նրանք, «գիտական, ազատական, հասարակական լեցուն պաշարով» (Ֆեներճեան, «Հայրենիք», 10.1954, 92) վերադառնալով հայրենի Կ. Պոլիս և Ջմյունիա, իրենց նվիրեցին ազգային միասնության, համերաշխության ու եղբայրական փոխօգնության գործին: Այդ նպատակով արևմտահայ երիտասարդ մտավորականներն ու «եվրոպականացած» վաճառականները հիմնեցին ազգային, հասարակական, կրթական, բարեգործական տասնյակ միություններ և ընկերություններ, գաղտնի կազմակերպություններ, անդամագրվեցին մասոնական օթյակներին: Նրանք ժողովրդին «հոգածութեան և զոհողութեան հոգի կը ներշնչէին, և անոնց հովանաւորութիւնը իրենց աշխատութեանց միացնելով օգտակար հաստատութեանց նախաձեռնարկներ կըլլային» (Օրմանեան, 1961, 3880): Այդ երիտասարդ մտավորականները դարձան արևմտահայ ազգային սահմանադրական շարժման հիմնական նախաձեռնողները, կազմակերպիչները, գաղափարախոսներն ու գործիչները, ինչպես նաև մասնության տարածման ջատագովները և ազատ որմնադիրների օթյակների հիմնադիրները:

***Սահմանադրական շարժման սկզբնավորումը:*** Թուրքիայում արևմտահայերի սահմանադրական շարժումը սկիզբ առավ Թանզիմաթի առաջին փուլում: Դրանում որոշակի դեր խաղած կառավարության «ոչ մեծ լուսավոր խմբի ձգտումը՝ երկիրը կործանումից փրկելու համար բարեփոխումներ իրականացնելը»: Նրանք հասկանում էին, որ «պետությունը կորցնում է իր ուժը, երբ օրենքները չեն գործում» (Миллер, 194, 73): Բարեփոխումների մեծագույն ջատագովը «երիտասարդ թուրքերի ռահվիրա» (Թոփչեան, 1909, 232), բրիտանական խորհրդարանական կարգերի կողմնակից, արտաքին գործերի նախարար Մուստաֆա Ռեշիդ փաշան էր: Եվրոպայում կրթություն ստացած, Փարիզում մասոնական օթյակի անդամ դարձած Ռեշիդ փաշան համոզեց սուլթան Աբդուլ Մեջիդին 1839 թ. նոյեմբերի 9-ին Գյուլիսանեի Հաթթը շերիֆ հրովարտակ հռչակել, որը Թանզիմաթի դարաշրջանի սկիզբ դրեց (Петросян, 1971, 41): Արևմտահայությունը խանդավառված էր Թանզիմաթի «հաւասարութեան, արդարութեան և բարեկարգութեան փրկարար սկզբունքները» հաստատելու խոստումից, որոնք «վարչային և ընկերային բարենորոգման հզոր մղում տուին» (Քեչեան 1888, 90): Բարենորոգումների ջատագովները պոլսահայ «լուսամիտ մեծահարուստ» ամիրաներ Հովհաննես Տատյանի, Կարապետ Պալյանի, Հովհաննես Աերվերյանի, Մկրտիչ Ճեզայիրյանի և Պողոս Օտյանի հովանավորությամբ 1840-ական թթ. սկզբում Փարիզում կրթություն ստացած պոլսահայ աղքատ ընտանիքներից սերած ուսումնաստենչ և ուշիմ 25-30 հայ ուսանողներն էին («Արշալույս Արարատյան», 6.02.1848): Նրանց թվում էին Գրիգոր Աղաթոնը, Նահապետ Ռուսինյանը, Հարություն Սվաճյանը, Խաչատուր Պարտիզպանյանը, Նիկողայոս Զորայանը, Առաքել, Հարություն, Գարեգին Տատյան եղբայրները, Հարություն և Նիկողոս Պալյան եղբայրները: 1840-ական թթ. երկրորդ կեսին Փարիզում կրթություն ստացան Անտոն և Մարգիս Պալյանները, Հովհաննես Վահանյանը, Միքայել և Թովմաս Խորասանճյանները, Գրիգոր Մոզյանը, Ճանիկ Արամյանը, Ստեփան Ոսկանյանը, Կարապետ Յութուճյանը, Հովսեփ Շիշմանյանը (Օերենց), Հաբեթիկ Նեվրուզյանը՝ բոլորն էլ «ազդեցիկ մարդկանց զավակներ կամ խիստ

առաջադեմ ու ընդունակ պատանիներ» (Ալպոյաճեան 1910, 234): Նրանցից ճանիկ Արամյանն ու Ստեփան Ոսկանյանը մասնակցեցին 1848 թ. փետրվարի ֆրանսիական հեղափոխությանը: Այդ երիտասարդները, վերադառնալով Կ. Պոլիս, ձեռնամուխ եղան ազգի լուսավորական, գրական, գիտական, արհեստավորական առևտրական գործունեության զարգացմանը և ազգային ընկերությունների հիմնադրմանը:

1846 թ. մարտի 17-ին Բերայում մի խումբ կաթոլիկ ազգասեր հայեր, որոնք Մուրադյանն ու Ռափայեյան վարժարանների շրջանավարտներ էին, հիմնեցին «Համազգեաց ընկերություն (Քյոմուրճեան 1931, 568)», որն «Արշալույս Արարատյան» թերթի բնութագրմամբ՝ «կը խոստանայ՝ ազգասիրութիւնը և ընկերասիրութիւնը միմիայն առաջնորդ ունենայ միշտ իր ամեն ընթացիցը («Արշալույս Արարատյան», 19.04.1846)»: Ընկերության հիմնադիրներ Մկրտիչ Սամանճյանը, Հակոբ Տավոյանը, Ա. Լուֆթյանը, Խաչատուր Գազազյանը, Հովսեփ Վարդանյանը, Կարապետ Թյուլպենճյանը, Սարգիս Ասկերյանը և Սերովբե Ազնավուրյանը (Պերպերեան 1871, 350-351; Ալպոյաճեան 1910, 250) իրենց առաջնահերթ խնդիրը համարում էին գավառներում կրթություն տարածելը, «ազգին կրօնապես անջատեալ մասերը յարաբերութեան դնելը» (Ալպոյաճեան 1910, 250): Նրանք, միաժամանակ առաջնորդվելով մասունական եղբայրության գաղափարներով, ձգտում էին հայ առաքելական ու կաթոլիկ եկեղեցիներին դավանողների միջև համերաշխություն, միասնություն և ազգասիրություն սերմանել: Սակայն բախվելով թուրքական իշխանությունների՝ քրիստոնյա ժողովուրդների իրավունքների և ազգային շահերի ոտնահարմանը՝ ավելի քան 600 անդամ («Արշալույս Արարատյան», 6.02.1846) ունեցող այս ընկերությունը 1852 թ. դադարեցրեց իր գործունեությունը («Մասիս», 09.1852, թիվ 33):

Այս ընկերության շնորհիվ 1840-ական թթ. Կ. Պոլսի «մթնոլորտը գերազանցապես խանդավառիչ էր, հղի անգին գաղափարներով» (Ալպոյաճեան 1910, 235): Առաջադիմության և լուսավորության գաղափարներով տոգորված պոլսահայ երիտասարդ մտավորականները «խմորիչը եղան այն շաղախին որով պիտի պատրաստուեր ազգային զարգացման շենքը և բուն իսկ Ազգային Սահմանադրությունը» (Ալպոյաճեան 1910, 250): Արևմտահայ սահմանադրական շարժման ակունքներում կանգնած էին Փարիզում կրթություն ստացած մի խումբ երիտասարդ կաթոլիկ հայեր: Նրանցից ապագա դիվանագետ Հակոբ Կրճիկյանը, ճարտարապետ Նիկողոս Պալյանը, բժիշկներ Նահապետ Ռուսինյանը, Սերովբե Վիչենյանը (Սերվիչեն), հրապարակախոս Գրիգոր Օտյանը «նոր մտքերի և յառաջադեմ գաղափարների ռահվիրաներ հանդիսացան» (Մարտիսան, 1912, 246): Նրանք քաղաքական փորձառության առաջին դասերը ստացել էին 1848 թ. ֆրանսիական հեղափոխության օրերին, ներկայացնում էին Փարիզի «այդ գաղափարական միութիւնը Կ. Պոլսոյ մէջ, կը վարեին ազգային գործոց մէջ ազատականներու փոքրիկ խմբակը, զգուշավորութեամբ ու խոհեմութեամբ» (Ալպոյաճեան 1910, 247-248):

Ֆրանսիական հեղափոխության ազդեցության տակ «ազատասեր եւ ազգասեր դարձած» (Մինաս Չերազ 1929, 71) Նահապետ Ռուսինյանը, Հովսեփ Շիշմանյանը (Շերենց), Հովհաննես Վահանյանը, Խաչատուր Պարտիզպանյանը, Հովսեփ Պեյրանը Փարիզում ուսանելու ժամանակ՝ 1849 թ. ապրիլի 27-ին, հիմնեցին «Արարատյան ընկերություն»: Ֆրանսիական հեղափոխության և մասունության գաղափարների ազդեցությամբ ընկերությունը քարոզում էր «ազգասիրութիւն և մարդասիրութիւն», կոչ էր անում բոլոր

«ազնիվ և ազգասեր սրտերին... հայ ազգին յառաջադիմութեանը և պիտոյիցը ծառայել, անոր կարօտութեանց մեկուն հասնիլ» («Արշալույս Արարատյան», 23.06.1850; «Հայաստանի կոչնակ», 1957, թիվ 11, 329):

Եվրոպական քաղաքական և մշակութային արժեքների ջատագով դարձած պոլսահայ երիտասարդները Փարիզում ուսանելու տարիներին բազմաթիվ շփումներ էին ունեցել եվրոպական ազատ որմնադիրների հետ, համալրել մասոնական օթյակների շարքերը: Նրանցից Հակոբ Կրճիկյանն ու վաճառական Միքայել Երամյանը 1840-ական թթ. սկզբում Փարիզում անդամագրվել էին ֆրանսիական «La Perseverante Armitie» («Հարաստող բարեկամություն») օթյակին («Հայրենիք», 02.1955, թիվ 2, 79; Պէլլերեան, 2001, 151, 155; Jamgocyan, 2017, 64): «Արևելք» և «Արևմուտք» հանդեսների ապագա խմբագիր, 1848 թ. ֆրանսիական հեղափոխության օրերին առաջիններից մեկը գենքը ձեռքին թագավորական Թյուրիլի պալատը «մտնելու պատիվը ունեցած» («Արևմուտք», 1859, թիվ 17, 131) Ստեփան Ոսկանյանը իտալական «Liberta» («Ազատություն») օթյակի անդամ էր («Հայրենիք», 03.1937, թիվ 5, 82-83): Լոնդոնում անգլիական «Jordan» («Հորդանան») թիվ 201 օթյակին անդամագրվել էր փաստաբան Սերովբե Ազնավուրը, իսկ մի փոքր ուշ՝ «Ազդարար Բյուզանդյան» թերթի երիտասարդ խմբագիր, Թանզիմաթի ժամանակների փայլուն մտավորական Խաչատուր Ոսկանյանը: Նրանք միաժամանակ Մանչեսթրի «Odd Fellows» եղբայրական օթյակի անդամ էին («Հայրենիք», 03.1937, թիվ 5, 82-83; «Հայրենիք», 10.1954, թիվ 10, 93; Պէլլերեան 2001, 151; Jamgocyan, 2017, էջ 48, 58, 60): Մանչեսթրյան «Integrity» («Ուղղամտություն») թիվ 168 օթյակի անդամ էր երիտասարդ վաճառական Կոզմա Աղջիկյանը (Պէլլերեան, 2001, 151):

Եվրոպայում մասոն ձեռնադրված Հակոբ Կրճիկյանը, որը մեծ եպարքոս, մասոն Ռեշիդ փաշայի թարգմանն էր, 1846 թ. նրան խնդրել էր ուշադրության կենտրոնում պահել հայ համայնքին հուզող խնդիրները, իսկ Կ. Պոլսի «պատրիարքարանի վարչութեանը օրինական և ժողովական ձև տալ» (Օրմանեան, 1961, 3812): Դրա անհրաժեշտությունը զգացվում էր հատկապես այն առումով, որ Մատթեոս պատրիարք Չուխաճյանը որոշել էր ազգային-եկեղեցական գործերը վարել Կ. Պոլսի «երեւելիներէն կազմուած ժողովի մը խորհրդակցութեամբը» («Արշալույս Արարատյան», 21.03.1847, թիվ 281) և դեռևս 1844 թ. հուլիս-օգոստոսին անձնական նախաձեռնությամբ այդպիսի մի ժողով էր հրավիրել, որն իշխանությունների կողմից հաստատված չէր: Մկրտիչ ամիրա Ճեզայիրյանը և Հ. Կրճիկյանը դիմեցին Ռեշիդ փաշայի օգնությանը, վերջինս էլ սուլթան Աբդուլ Մեջիդի միջոցով կարգավորեց այդ խնդրանքը (Պէրպերեան, 1871, 319; Քեչեան 1888, 12): 1846 թ. սուլթանի թույլտվությամբ Կ. Պոլսի հայությունը կազմեց 16 ամիրաներից և 14 արհեստավորներից կազմված ազգային ժողով: Նրանք փոխհամաձայնությամբ իրավունքի հավասարության հիման վրա համայնքային գործերի կառավարումը բաժանեցին միմյանց մեջ (Սարուխան, 1912, 242): Ռեշիդ փաշան քրիստոնյա համայնքների ղեկավարներին հայտնեց, որ նրանք՝ որպես նույն երկրում ծնված ու ապրող հպատակներ, պետք է օգտվեն հավասար իրավունքներից (Сафракян, 1985, 29): 1846 թ. հունիսին սուլթանը բողոքական հայերին թույլատրեց Կ. Պոլսում ստեղծել իրենց եկեղեցին (Օրմանեան, 1961, 3805):

1847 թ. մայիսի 7-ին արտաքին գործերի նախարար Ալի փաշան Մատթեոս պատրիարքին և հայ ամիրաներին ներկայացրեց սուլթանի հրովարտակը՝ հայ համայնքի

ազգային կանոնադրությունը հաստատելու մասին: Դրանով հայոց պատրիարքարանի ներսում թույլատրվում էր ստեղծել 14 հոգևորականներից և 20 աշխարհականներից կազմված Հոգևոր և Գերագույն խորհուրդներ, որտեղ նախագահելու էր պատրիարքը: Ազգային գործերը տնօրինելու էր Գերագույն ժողովը, իսկ Հոգևոր ժողովը զբաղվելու էր գավառներում եկեղեցական գործերով և պատրարքի միջոցով դրանք ներկայացնելու Գերագույն ժողովին (Օրմանեան, 1961, 3812-13813): Հոգևոր և Գերագույն ժողովների ընտրությամբ «վերջ կը տրուէր Պատրիարքական միապետութեան, միանգամայն կը ջնջուէր Ազնուապետութեան ազդեցութիւն, վասնզի Ամիրաներու Պատրիարքարանին գործերը վարելու առանձնաշնորհը կը ջնջուէր, և Ամիրա ու ժողովուրդ կը հաւասարէին իրարու միեւնոյն իրաւամբ և պատասխանատութեամբ ազգային գործերը վարելու կոչուելով» (Ալպոյաճեան, 1910, 324):

1847 թ. մայիսի 9-ին Մատթեոս պատրիարքի հրավիրած Ընդհանուր ժողովը ընտրեց 20 աշխարհականներից կազմված Գերագույն ժողով, որի անդամ դարձան Օսմանյան կայսրության հայտնի վառողապետեր Հովհաննես և Պողոս Տատյանները, պետական պաշտոնյա Հ. Կրճիկյանը, սեղանավորներ Միքայել Փիշմիշյանը, Մաքսուտ Սարիմյանը, Գևորգ Երամյանը, Մկրտիչ Ճեզայիրյանը, Միսաք Միսաքյանը, ճարտարապետեր Կարապետ Պալյանը, Հովհաննես Մերվերյանը (Ալպոյաճեան, 1910, 310-311; Պերպերեան, 1871, 319-321; Ասատուր, 2011, 190-191): Գերագույն ժողովի ատենապետությունը և ատենադպրությունը վարելու էր Հակոբ Կրճիկյանը, որին շնորհվեց լոգոֆետի տիտղոս: Ընտրությունների արդյունքները Բարձր դուռը հաստատեց, որից հետո՝ 1847 թ. մայիսի 20-ին, Գերագույն ժողովը գումարեց իր առաջին նիստը (Ալպոյաճեան, 1910, 313; Թովիչեան, 1909, 235):

Նոր կանոնադրությամբ վարչական գործերը կանոնավոր ընթացք ստացան, որը, Մ. Օրմանյանի կարծիքով, դարձավ «ազգային սահմանադրութեան տիրապետ սկզբնաւորութիւնը: Զի ինչ որ ասկէ ետքը կատարուեցաւ, 1860-ի կազմակերպութիւնը եւ 1863-ի հաստատութիւնը, այդ առաջին կազմութեան լրումն եւ ամբողջացումն են եղած» (Օրմանեան, 1961, 3814): Հոգևոր և Գերագույն ժողովների ձևավորումը «ներկայացուցչական սկզբունքի առաջին կիրառումն էր, որ յետոյ ծնունդ տուեց ազգային սահմանադրութեան» (Թովիչեան, 1909, 235): Դրանք գործեցին 1847 թ. մինչև 1860 թ. մայիսի 24-ը՝ երկու տարին մեկ անցկացնելով ընտրություններ: Ժողովների գործունեությունը միանգամայն նոր երևույթ էր արևմտահայության կյանքում և որոշակի ժողովրդավարության սաղմերի դրսևորում: Դա եվրոպականացած արևմտահայ երիտասարդ մտավորականների առաջին հաջողությունն էր: Դրանում մեծ դեր խաղաց 1848 թ. ֆրանսիական «հեղափոխութեան ոգիով սնած և դաստիարակուած հայ մտաւորականութեան ընտրեալ դասը, որ սովորաբար կը կոչուի Սահմանադրութեան հեղինակներ, հիմնադիրներ» (Ատոմ, 1914, 43): 1848 թ. իտալական ազգային պայքարի ձեռքբերումները և ֆրանսիական հեղափոխության հաղթանակը, որոնց դեկավարներից շատերը մասոն էին (Ридли Дж. Фримасоны, 2007, 252-265; Соловьев, 1992, 76), ինչպես նաև սուլթանական բռնապետության դեմ հարավսլավոնական ժողովուրդների, հույների, մոլդովացիների ու վալախների պայքարը որոշակի հույսեր արթնացրեց արևմտահայության շրջանում: Նրանց տարրերային, պատահական բնույթ կրող շարժումները դարձան «ստրկական քնից ու քարացած անտարբերութիւնից» արթնացման

«պերճախոս արտահայտութիւն» (Թովչեան, 1909, 236): Այդ պայքարի անմիջական տպավորության տակ 1848 թ. հեղափոխության գավակներ Շ. Կրճիկյանը, Մկրտիչ և Գրիգոր Աղաթոն եղբայրները, Մերվիչենը և մյուսները գործի անցան «1848ի փրկարար գաղափարները ազգային գործոց մէջ կիրարկելու հաստատ մտադրութեամբ» (Ալպոյաճեան, 1910, 427): Եվրոպական կրթություն ստացած այդ առաջադեմ երիտասարդ մտավորականներ մտորում էին, թե ինչպե՞ս ժողովրդին մասնակից դարձնեն ազգային և վարչական գործերին: Նահապետ Ռուսինյանի վկայությամբ նրանցից Նիկողոս Պալյանը դեռևս 1844-1845 թթ. «մտորում էր ազգի վիճակի մասին, տենչում էր ժողովրդական ներկայացուցչութիւն կազմել» (Ատենագրութիւն ազգային ժողովոյ, 1865):

Ն. Պալյանի գաղափարական համախոհներ Ն. Ռուսինյանը, Մերվիչենը, Գ. Օսյանը 1848 թ. կազմեցին հայ համայնքի կանոնադրություն, որը կրում էր ֆրանսիական հեղափոխության ազատամտական գաղափարների դրոշմը և սահմանադրության ազդեցությունը: Օգոստոսի 26-ին կանոնադրությունը ներկայացվեց Մատթեոս պատրիարք Չուխաջյանի հաստատմանը, որը «միանգամայն փառասէր էր և նախանձոտ ընդ փառս այլոց, և հաստատ յառաջադիմութիւն մտաց իւրոց, գոր ոչ կամէր փոխել, թէւ լինէր ինքեան այն վնաս մեծ» (Պերպերեան, 1871, 281): Կանոնադրությունը չէր բավարարում ոչ միայն ինքնահավան, «առանց բաւականաչափ կարողութիւն եւ դատողութիւն» (Օրմանեան, 1861, 3877) ունեցող Մատթեոս պատրիարք Չուխաճյանին, այլև Կ. Պոլսի ամիրաներին: Նրանք դժգոհ էին, որ պատրիարքը «իրենց հլու գործիք չէր ըլլար» (Ասատուր, 2011, 196): Մկրտիչ ամիրա Ճեզայիրյանը մեծ եպարքոս Ռեշիդ փաշայի մոտ պատրիարքին ամբաստանեց «իբր պետութեան հրամանով հաստատուած ժողովը չսեպող եւ իւրովի գործող» (Օրմանեան, 1861, 3877): Ռեշիդ փաշայի հանձնարարությամբ Գերագույն ժողովի լոգոֆետ Հակոբ Կրճիկյանը պահանջեց պատրիարքի հրաժարականը: 1848 թ. հոկտեմբերի 1-ին նա հրաժարական տվեց (Պերպերեան, 1871, 361; Ալպոյաճեան, 1910, 325):

1849 թ. օգոստոսին Գերագույն ժողովի անդամներ ընտրվեցին հիմնականում նախորդ ժողովի աչքի ընկնող դեմքեր՝ թե՛ պետական պաշտոնյաները և թե՛ ճանաչված ու ազդեցիկ սեղանավորները: 1851 թ. հոկտեմբերի 31-ին Գերագույն ժողովի կազմը որոշակիորեն փոխվեց: Ժողովականներ դարձան Շ. Կրճիկյանը, Պ. Տատյանը, Շ. Մերվերյանը, Պետրոս Խորասանճյանը, Նշան Փիշմիշյանը, Նիկողոս Միսաքյանը, Կարապետ Թոքատյանը, Հակոբ Նորատունկյանը, Մարտիրոս Հովյանը, Գրիգոր Վիչենյանը և ուրիշներ (Ալպոյաճեան, 1910, 315): 1853 թ. մայիսի 14-ի Գերագույն ժողովի կազմում ընտրվեցին Հովհաննես և Պողոս Տատյանները, Կարապետ Պալյանը, Գևորգ Երամյանը, Մաքսուտ Սարիմյանը, Սահակ Ապրոյանը, Գևորգ Պարտիզպանյանը, Եաղուպ Եաղուպյանը, Հակոբ Պեշիկթալչյանը և ուրիշներ (Ալպոյաճեան, 1910, 316-317): 1853 թ. հոկտեմբերի 22-ին Գերագույն ժողովը կազմեց «Ուսումնական խորհուրդ», որին անդամագրվեցին 1848 թ. եվրոպական հեղափոխական, ազգային-ազատագրական և մասոնական գաղափարներով տոգորված ու հայության ճակատագրով մտահոգված երիտասարդ մտավորականներ՝ բժիշկներ Նահապետ Ռուսինյանը, Մերովրե Վիչենյանը, դիվանագետ Հակոբ Կրճիկյանը, ճարտարապետ Նիկողոս Պալյանը, լեզվագետներ Աբրահամ Երամյանը, Հարություն Հովույանը, Սարիմ Մաքսուտյանը, Կարապետ Ութուճյանը, Գրիգոր Օսյանը, Խաչատուր Պարտիզպանյանը, հողագետ Հակոբ Ամասյանը,

տարրազետ Հովհաննես Վահանյանը, Առաքել, Հարություն և Սիմոն Տատյանները: Խորհրդի ատենապետ ընտրվեց Մերովբե Վիչենյանը (Մերվիչենը) (Զարդարեան, 1933, 15; Սաստուր, 2011, 206, Սարուխան, 1912, 11):

«Ուսումնական խորհրդի» անդամներ Ն. Պալյանը, Մերվիչենը, Ն. Ռուսինյանը և Գ. Օտյանը ձեռնամուխ եղան ազգային առաջին կանոնադրության մշակմանը («Հանդես ամսօրյա», 07.07.1902, 206): 1854 թ. հունիսին Գերագույն ժողովը ստեղծեց 9 հոգևորականներից և 14 աշխարհականներից կազմված մի մարմին, որին «առաջին անգամ «Սահմանադրական յանձնաժողով» անունը տալով նրան՝ յանձնարարեց կազմել մի նոր «Ազգային կանոնադրութիւն» փոխուած՝ ըստ պահանջման նոր հանգամանքների» (Սարուխան, 1912, 15): Ազգային կանոնադրության ստեղծման ուղղությամբ հիմնական աշխատանքը կատարեցին «Ուսումնական խորհրդի» անդամներ Ն. Պալյանը, Ն. Ռուսինյանը, Գ. Օտյանը, Գրիգոր և Մկրտիչ Աղաթոնները, Կարապետ Յուրուճյանը, Գալուստ Կոստանդյանը, Խաչատուր Պարտիզպանյանը, Սահակ Ապրոյանը և ուրիշներ: Նրանք ամիսներ շարունակ «անխոնջ աշխատեցան և վերջապես Սահմանադրութիւնը լմնցուցին» («Մեղու», 31.12. 1856, 173): Անուրանալի է «Ուսումնական խորհրդի» անդամների դերը արևմտահայ մտավոր շարժման մեջ, քանզի իրենց գործունեության սկզբից ևեթ առաջ տարան ազգային ուժերի համախմբման գործը: Արփիար Արփիարյանի բնութագրմամբ՝ «Անոնցմէ ոմանք այնտեղ Բարիզին մէջ կռուած 48 թ. յեղափոխականներուն հետ և հետերնին Բոսֆորի ստրուկ ափունքը տարածած էին Բարիզի փողոցի ոգին: Գաղափարներու հեղաշրջողներ ու պայքարողներ եղան, կործանեցին կես ավատական բարքերը, որ դեռ կտիրէին հայոց մէջ: Չնչուեցին ամիրաներու ջոջերուն ու եկեղեցական տիրապետութիւնը և հիմնուեցին հայկական սահմանադրութիւնը իրենց Ֆրանսա սորված սկզբունքներուն համեմատ, ժողովրդին տվին նշանակութիւն և ուժեր, գիտակցութիւն ու Ազգային ժողով» («Նոր կեանք», 1899, թիվ 1, 181):

«Ուսումնական խորհրդի» անդամների մշակած սահմանադրության նախագիծն արժանացավ Գերագույն ժողովի հավանությանը: Որոշվեց այն Ազգային ընդհանուր ժողովի վավերացումից հետո գործողության մեջ դնել, սակայն տարաձայնությունների պատճառով «անկարելի բան մը եղաւ»: Նորընտիր ժողովը հանձնաժողովի կազմը համալրեց 2 հոգևորականով և 5 աշխարհական գործիչներով, որը պետք է վերջնական տեսքի բերեր սահմանադրությունը («Մեղու», 31.12.1856, 174-17): 1854 թ. օգոստոսի 26-ին «Ուսումնական խորհրդի» անդամները նախօրոք մտահոգացած կանոնադրության տեքստ ներկայացրին Հակոբոս պատրիարք Մերոբյանի հաստատմանը: Այն կազմված էր 1848 թ. եվրոպական հեղափոխությունների արդյունքում ընդունված սահմանադրությունների սկզբունքով, որի հիմքում ընկած էր ֆրանսիական սահմանադրությունը: Այդ նախագիծը երկու տարի ընթացք չստացավ:

Ղրիմի պատերազմից հետո՝ 1856 թ. մարտի 30-ին, Փարիզում կնքված հաշտության պայմանագրի 9-րդ հոդվածում ամրագրված «Թուրքիան եվրոպականացնելու» Անգլիայի և Ֆրանսիայի պահանջը (Փափագեան, 2002, 27-35; Թումանեան, 1906, 613) սուլթանին հարկադրեց բարեփոխումների նոր հրովարտակ հոչակել, որի հեղինակը Եվրոպայում մասնությունն անդամագրված մեծ եպարքոս Մեհմեդ Ալի փաշան էր: Արևմտահայ մտավորականությունը ոգևորված էր նոր հրովարտակով, որի «մեծադորդ խոստումները



վարդագոյն հեռանկարներ էին բացում և վառվում հոյսեր էին ներշնչում» (Թոփչեան, 1909, 240): Բարձր դուռը, ի թիվս այլ քայլերի, կայսրության հպատակ ոչ մահմեդական ժողովուրդներից հայերին, հույներին ու հրեաներին հրահանգեց կազմել համայնքային գործերի կառավարման վերաբերյալ կանոնադրություններ և ներկայացնել սուլթանի հաստատմանը: Բարեփոխումների կողմնակից առաջադեմ թուրք գործիչները գտնում էին կամ գոնե ձևացնում էին, թե «սահմանադրական օրենքը կամ ներկայացուցչական ռեժիմը յանկարծ կարող էր բարեփոխել Թուրքիայի այն բոլոր հիմնական թերությունները, որոնց վրայ մատնացոյց էին լինում թե՛ եվրոպացիք և թե՛ օսմանեան հպատակ քրիստոնեաները» (Մարուխան, 1912, 104): Ոչ մահմեդական համայնքներին ազգային կանոնադրություններ շնորհելը Բարձր դռան համար արտաքին միջամտության և Թուրքիային մասնատումը «կանխող միակ փրկարար միջոցն էր»: Ըստ երիտասարդ թուրքերի պարագլուխներից մեկի հայտարարության՝ «միմիայն սահմանադրական ռեժիմը կարող է փրկել եւ զօրացնել Թուրքիան» (Մարուխան, 1912, 104): Ելնելով այս մտայնությունից՝ Բարձր դուռը Թանզիմաթ հռչակեց, որի խոստումներից ու սպասվող հեռանկարից ամենից վաղ օգտվեցին պոլսահայ երիտասարդ մտավորականները: Նրանք «մինչ այդ մտել էին սահմանադրական վարչութեան ճանապարհը իրանց ներքին ազգային, հասարակական և կրոնական գործերի կարգաւորման համար, թէև սահմանադրութիւն բառը դեռ չէր գործածուել» (Մարուխան, 1912, 15):

1856 թ. Կ. Պոլսում ստեղծվեց 21 հոգուց բաղկացած սահմանադրական նոր հանձնաժողով, որի աշխարհիկ դեմքերը «Ուսումնական խորհրդի» անդամներն էին: Նրանք Գերագույն ժողովի նոր լոգոֆեթ Գրիգոր Մարկոսյանի ղեկավարությամբ ղեկտեմբերին ավարտեցին իրենց աշխատանքները («Մեդու», 31.12.1856, 73-175): Նրանց «կազմած ծրագիրը շատ ազատամիտ» համարեցին Տատյան և Երեմյան ամիրաները և նրանց համախոհ խմբակը» (Օրմանեան, 1861, 4016), ուստի Գ. Մարկոսյանը որոշեց «միջասահման նոր ծրագիր պատրաստել առանց շատ մանրամասնութեանց մտնելու» (Քէչեան, 1888, 94): Սահմանադրական հանձնաժողովը 1857 թ. մարտի 22-ին հրապարակեց հայ համայնքի ներքին գործերի տնօրինությունից շատ հեռու գնացող կանոնադրություն («Մասիս», 28.03.1857), որը կրում էր «սահմանադրության» անունը, թեև բուն իմաստով կանոնադրությունից չէր տարբերվում: Սակայն «լրագրական լեզուի և պաշտօնական կիրառութեան մեջ սկսած էր իբր եվրոպական քօնսթիթիւսիօն (Constitution) բառին համանշանակ գործածուիլ» (Քէչեան, 1888, 138): Ժողովականները Գ. Մարկոսյանի ներկայացրած սահմանադրության նախագծին հավանություն տվեցին «խնդութեամբ եւ զոհութեամբ եւ օրհնութեամբ» և ստորագրեցին դրա տեքստի տակ: Սահմանադրության այս տարբերակը «լոյս տեսնելու բախտը չունեցավ» (Քէչեան, 1888, 95):

**Մատնության տարածումը և սահմանադրական շարժումը:** 1850-ական թթ. երկրորդ կեսին «Թուրքիան եվրոպականացնելու» նպատակով անգլիացիներն ու ֆրանսիացիները, ելնելով բացառապես իրենց տնտեսական և քաղաքական շահերից ու նկատառումներից, այստեղ տարածեցին իրենց բարքերն ու սովորությունները և ազատ որմնադիրների ընկերային ու եղբայրասիրական գաղափարները: Նրանց ջանքերի շնորհիվ Կ. Պոլսում ու Զմյուռնիայում «մատնական օթեակները սկսան սունկի նման բուսնիլ» (Պէլլերեան, 2003, 150): 1856 թ. նոյեմբերի 25-ին Կ. Պոլսում մի խումբ անգլիացի ծովայինների հիմնած

«Արևելյան» (Oriental) թիվ 687 օթյակին անդամագրվեցին կաթոլիկ հայեր՝ իրավաբան Սերովբե Ազնավուրը, երիտասարդ վաճառական Կոզմա Աղջիկյանը, իսկ հետագայում՝ ևս 15 պոլսահայեր, մասնավորապես՝ վաճառականներ Գրիգոր Մանասը, Միքայել Ալիշանը, հրապարակախոս Սերովբե Թագվորյանը, բանաստեղծ Սրապիոն Հեքիմյանը, բանկի տնօրեն Պերճ Քերեսթեճյանը, թարգմանիչ Թադեոս Թերխանը (Ֆենեքճեան, 1935, 22; Պելլերեան, 2003, 151-152; Jamgocyan, 2017, 60):

1857 թ. սեպտեմբերի 1-ին Կ. Պոլսում հիմնվեց «Բոսֆորի աստղ» («L. Etoile du Bosphore») ֆրանսախոս օթյակ, որին անդամագրվեցին գործարար Հովհաննես Արշակունին, օսմանյան բանակի սպա Միհրան Մարաշլյանը և ուրիշներ (Ֆենեքճեան, 1936, 298; Jamgocyan, 2017, 77-78):

1859 թ. հունվարի 7-ին Կ. Պոլսում, «Համազգային ընկերությանը» պատկանող տանը մի խումբ կաթոլիկ հայեր մասոնական օթյակների հավաքությունների նմանությամբ հիմնեցին «Մուրադյան և Ռափայելյան աշակերտաց ընկերություն»: Այս «ազնիվ միության» նպատակն էր արևմտահայությանը «քաղաքական կենդանություն» տալ, «անցեալէն ինչ որ բարի է, պահպանել ու ապագային պատրաստել» (Պօղոսեան հ. Եփրեմ վ., 1967, 65): Ընկերության անդամներ, սահմանադրական շարժման ակտիվ գործիչ Հովսեփ Վարդանյանը, բանաստեղծներ Մկրտիչ Պեշիկթաշլյանը, Սրապիոն Հեքիմյանը, Թովմաս Թերզյանը, իրավաբան Տիգրան Յուսուֆյանը շուտով անդամագրվեցին եվրոպական մասոնական օթյակներին:

1859 թ. նոյեմբերի 19-ին Ջմյունիայում հիմնված «Հումեր» թիվ 806 անգլախոս օթյակի անդամ դարձան Սերովբե Ազնավուրը, Միքայել Երամյանը, «Վասպուրական» թատրոնի հիմնադիրներից դրամատուրգ և բանասեր Սարգիս Միրզա Վանանդեցին («Կեանք և արուեստ», 1935, 78; Ֆենեքճեան 1936, 77-78; Պելլերեան, 2003, 151, 154):

Կ. Պոլսում և Ջմյունիայում եվրոպական մասոնական օթյակների հիմնադրմանն ու բուռն գործունեությանը հաջորդեց Բարձր դռան կողմից հայ, հույն և հրեա համայնքներին գրեթե միաժամանակ ազգային կանոնադրություններ շնորհելը:

**1860 թ. սահմանադրությունը:** 1860 թ. սահմանադրությունը «ծրագրող և գործադրող» «Ուսումնական խորհրդի» անդամները Հրանտ Ասատուրի բնութագրմամբ «վեհոզի յեղափոխականներն» էին, XVIII դարի ֆրանսիական մեծ հեղափոխության գործիչներից մասն կոմս «Միրաբոյի<sup>1</sup> թոռները: Նոքա կը պաշտէին ազատություն, ...հաւասարութիւն, ...եղբայրութիւն, որ անքակ կերպով կը միացունէ մարդերն, որպէս ազգերն»: Ահա այսպէս ֆրանսիական հեղափոխության «նշանաբանովն բարձրացավ» հայոց ազգային սահմանադրությունը (Ասատուր, 1879, 15):

«Ուսումնական խորհրդի» անդամների հեղինակած Սահմանադրությունը կազմված էր «ժողովրդական ոգով եւ առաջադիմական ձգտումներով» (Ալպոյաճեան, 1910, 331; Սարուխան, 1912, 15), ուստի անցանկալի էր ամիրաների ու բարձրաստիճան հոգևորականության համար: Հայ ամիրաները «այդ կանոնադրութիւնը անյարմար կտեսնէին, Ազգին կրօնքի և ազգային ավանդութեանց հակառակ բաներ անոր մեջ տեսնել

<sup>1</sup> Կոմս Միրաբոն ֆրանսիական «Ինը քույրեր» մասոնական օթյակի անդամ էր (Ридли, 2007, 156; Тальмер, 03. 1906, том 302, 240; Черняк, 1981, № 12, 115):

կը կարծեն...» («Հանդես ամսօրեայ», 07.07.1902, 207): Սահմանադրության նախագիծը Բարձր դուռը մերժեց «այն դիտաւորութեամբ, թէ պետութեան մէջ պետութիւն չի կրնար լինիլ» (Քէչեան, 1888, 95):

1858 թ. երկրորդ կեսին աշխատեց կանոնադրության մշակման նոր հանձնաժողով, որի կազմած նախագծի քննարկումը հետաձգվեց, քանի որ «շատ ազատամիտ կնկատուէր Տատենաց, Երամեանց եւ ասոնց համախոհ ամիրայական խմբակէն» (Օրմանեան, 1861, 4016): 1859 թ. մայիսին ընտրված հանձնաժողովի մէջ մտան 5 եկեղեցական և 14 աշխարհիկ գործիչներ: Վերջիններիս թվում էին մասնության գաղափարակիրներ Նահապետ Ռուսինյանը, Կարապետ Յութուճյանը, Բարունակ Ֆերուհիսանը, Գրիգոր Օտյանը, Մկրտիչ Աղաթոնը (Ազգային սահմանադրութիւն հայոց 1860, 46), որոնք հանձնաժողովի առավել բեղմնավոր աշխատած անդամներն էին: Այս անգամ հանձնաժողովի կազմում չընդգրկվեցին «Ազգային Սահմանադրութեան հիմնադիրներէն» (Մինաս Չերագ, 1929, 42) Սերվիչէնը և Ստեփան Ասլանյանը, չնայած «անոնք ալ յայս մեծ գործ վաստակեցան» (Պերպերեան, 1871, 389): Աշխարհիկ խմբի ղեկավարը Ն. Ռուսինյանն էր, որը, առաջնորդվելով 1857 թ. կանոնադրությամբ («Հանդես ամսօրեայ», 07.07.1902, 208), գրեթէ միայնակ շարադրեց և խմբագրեց այդ փաստաթուղթը, «ուր մի ամբողջ խորհրդարանական լեզու մը ստեղծեց» (Մինաս Չերագ, 1929, 69):

1859 թ. նոյեմբերին հանձնաժողովը վերամշակած կանոնադրության տեքստը ներկայացրեց Ազգային ժողովի քննարկմանը («Մասիս», 24.12.1859), որի ժամանակ ամիրայական խմբավորման հետ համագործակցած Գևորգ պատրիարք Քերեստեճյանը ջանում էր սահմանադրության նախագիծը «անվաւեր ու ապարդյուն ձգել» (Փափագեան, 1862, 190): Նա արգելքներ էր հարուցում և «գաղտնապէս աշխատում էր, եթէ կարելի է, իսպառ ջնջել նոր կանոնադրութիւնը» (Սարուխան, 1912, 16), որը սահմանափակում էր իր իրավունքները (Պալասանեան, 1890, 471): Պատրիարքն առաջարկում էր նորանոր փոփոխություններ, որոնք հավանության չարժանացան («Մասիս», 31.12.1859):

Սահմանադրականները «պատուական հայ» (Մինաս Չերագ, 1929, 48) Սերվիչէնի գլխավորությամբ պատրիարքի դեմ պայքար սկսեցին: 1860 թ. ապրիլի 21-ին նա հրաժարական տվեց («Մասիս», 24.03.1860; Պերպերեան, 1871, 621), որի պատճառը հայտարարվեց խմբագրված «սահմանադրութիւնը անվավեր և ապարդիւն ձգելը» (Փափագեան, 1862, 190): Նոր պատրիարք Սարգիս Գոյումճյանի գլխավորությամբ Ազգային ժողովը 1860 թ. մայիսի 24-ին միաձայն ընդունեց հայ համայնքի՝ Գ. Օտյանի ու Սերվիչէնի խմբագրած կանոնադրությունը (Պերպերեան, 1871, 427; Քէչեան, 1888, 138, Փափագեան, 1862, 190-191, Թոփչեան 1909, 241): «Ազգային սահմանադրութեան ամենից եռանդուն գործիչ» (Սարուխան, 1912, 247) Նահապետ Ռուսինյանի առաջարկությամբ հայ համայնքի կանոնադրությունը «մկրտվեց Ազգային սահմանադրություն փառաւոր տիտղոսով» («Մասիս», 26.05.1860): «Մասիս» թերթը սահմանադրության հաստատման օրը՝ մայիսի 24-ը, անվանեց «Հայկական Տարեգրութեանց մէջ ոսկեղէն տառերով նշանակուելու արժանի օր մը» («Մասիս», 26.05.1860): Սահմանադրությունն իրենց ստորագրությամբ վավերացրին սահմանադրական ժողովի անդամ 5 հոգևոր և 14 աշխարհիկ գործիչներ, որոնց թվում՝ սահմանադրական շարժման նվիրյալները՝ Ն. Ռուսինյանը, Մ. Աղաթոնը, Կ. Յութուճյանը, Մ. Մինասյանը, Գ. Օտյանը, Բ. Քրթիկյանը և ուրիշներ (Ազգային

սահմանադրություն հայոց, 1860): Ազգային սահմանադրության ստորագրված բնօրինակն իր մոտ պահում էր «Մասիս» թերթի խմբագիր Կարապետ Յուրուճյանը («Հանդես ամսօրեայ», 07.07.1902, 209):

Սահմանադրության մտահղացման գործում Ն. Ռուսինյանը չափազանց կարևորում էր Նիկողոս Պալյանի դերը, որի նկատմամբ «պաշտում մը ունեմ» (Մինաս Չերագ, 1929, 71): Ըստ նրա՝ Ն. Պալյանը «յղացաւ» սահմանադրության գաղափարը, «իւր ձեռք գծագրեց ազգային կանոնադրութեան հիմնական սկզբանց այն հոյակապ յատակագիծը, որ... ետքը խմբագրաց գրչին տակ ձեւերու վայելուչ փոփոխութիւն կրած է: Ազգը ասոր կը պարտի իր սահմանադրութեան գոյութիւնը» (Սարուխան, 1912, 245): 1874 թ. հոկտեմբերի 18-ին՝ ազգային ժողովում ունեցած ելույթի ժամանակ, Ն. Ռուսինյանն դարձյալ վկայում է, որ «Սահմանադրութեան սկիզբը անուն մը կայ համէստորէն պահվտած - Նիկողոս Պալեան» (Սարուխան, 1912, 245):

Ազգային սահմանադրությունը Կ. Պոլսի և Թուրքիայի ողջ հայության կրթական, լուսավորական ու մշակութային կյանքը իրավականորեն կարգավորող փաստաթուղթ էր, որի հինգ գլուխներում ներկայացված էին կենտրոնական և գավառային վարչությունները, ընդհանուր, կրոնական ու քաղաքական ժողովները, ուսումնական, տնտեսական, ֆինանսական, դատական խորհուրդները, ժողովրդական ներկայացուցիչների տեղական՝ թաղերի ու թեմական ժողովները, ընտրական կարգը, պատրիարքի, ազգային ժողովի ընտրության պայմանները, ժողովների ու խորհուրդների կանոնադրությունները, անգամ սահմանադրության վերաքննությունը կարգավորող ազգային խորհուրդների գործունեության սահմանումը (Ազգային սահմանադրություն հայոց, 1860, 6-7): Ազգային սահմանադրության կարևորագույն մասը հիմնական սկզբունքներն էին, որոնցում (6 հոդվածում) շարադրված էին ազգի, անհատի և ազգային վարչության պարտավորությունները, որոնք հռչակվեցին «անփոփոխելի, այսինքն անոնց վերաքննութիւն ալ անընդունելի հռչակուեցան» (Փափագեան, 1862, 192):

Սահմանադրությունը հեշտությամբ չտրվեց արևմտահայությանը, որը տարիների համառ պայքարի արդյունքում «տասն անգամ տակնուվրայ եղաւ այս բանիս համար» («Մեղու», 1860, թիվ 86, 11): Սահմանադրության ընդունումը մեծ ոգևորություն առաջ բերեց Կ. Պոլսի մտավորականության և գավառների հայության լայն խավերի շրջանում, թեպետ թուրքական իշխանությունները մտադիր չէին այն հաստատել: Սահմանադրությունը ողջունում էին ազատամիտ Հարություն Սվաճյանի «Մեղու», Կարապետ Փանոսյանի «Սյունատի», Սարգիս Վանանդեցու «Միություն», Գրիգոր Զիլինկիրյանի «Ծաղիկ», Մանուել Յուրուճյանի «Կիլիկիա», Մկրտիչ Խրիմյանի «Արծուի Վասպուրական» և այլ պարբերականներ:

Մատթեոս Մամուրյանը, նշելով, որ սահմանադրությունը մշակվել է ազգի ցավերը դարմանելու համար, ազդարարում էր. «Հայ ժողովուրդ, ձեր փափաքը և փորձը քանի քանի անգամ ապարդիւն մնալեն ետև, վերջապես յաջողեցաւ» («Միություն», 30.06.1860, 97): Արմենակ Հայկունու կարծիքով «հիմարություն է ենթադրել և կամ խորհիլ թէ Օսմանեան Կայսրութիւնը Հայոց Ազգին Սահմանադրութիւն շնորհել չուզեր..., անսահմանադրական հպատակ ազգ մը բեռ է նորա, որոյ որոյ ինքն հպատակ է» («Ծաղիկ», 10.06.1862, 290-291): Միմոն Ֆելեկյանը, ողջունելով սահմանադրության ընդունումը, «Միություն»

բանաստեղծությունում մասնական գաղափարախոսությամբ գրում էր. «Սուրբ արշալոյս-Սահմանադրութեան, Ազգին տայ սէր եւ միութիւն, Կեանք ու զօրութիւն» («Հայրենիք», 03.1937, թիվ 5, 79):

Սահմանադրության հետ մեծ հույսեր կապող մասն Ն. Սվաճյանը գրում էր, որ սահմանադրության ընդունմամբ «շատերը հափշտակուած են, վասնզի ան կճանչանք նիայն ազգի մը քաղաքակրթութեան անշեղելի ճանապարհը» («Մեղու», 30.05.1860): Նա արևմտահայությանը հորդորում էր. «Միանանք ազգայնութեան փառաւոր դրոշակին տակ. Սահմանադրութիւնը ամբողջ ազգն է»: Սահմանադրությանը տված գնահատականում Ն. Սվաճյանը բավական հեռու է գնում՝ ընդգծելով, որ նրա նշանակությունը դուրս է արևմտահայության սահմաններից: Նա ոգևորված գրում էր. «Աշխարհ թող զարմանա, երբ օր մը տեսնէ, թէ ի՛նչ մեծ գործ մը, ի՛նչ մեծ դիւրութեամբ ի գլուխ ելած է... եւ դուք ... աղքատ եւ հարստահարյալք՝ ցնծացեք եւ ուրախ եղեք... Ծափ զարկեք ու օրհնեցեք ազգին բարերարները» («Մեղու», 30.08.1860, 189):

Գրիգոր Չիլինկիրյանը նույնպես ոգևորված էր սահմանադրության ընդունումից, քանզի «Չկայ ճշմարիտ ազգասէր մը, չկայ ազատամիտ մը որ չհրճուի, ծափ չգարնէ մեռելատիպ Ազգի մը (հայոց) կեանք տուող այս հիմնադրութեան (սահմանադրութեան) վրայ» («Ծաղիկ», 1861, թիվ 2):

Իրականում «ծափ զարկելու» և ուրախանալու առանձնապես մեծ առիթ չկար, քանզի արևմտահայության հոգևոր, հասարակական, կրթական, լուսավորչական և մշակութային կյանքը կանոնակարգող այդ փաստաթուղթը բառի բուն իմաստով սահմանադրություն չէր: Բելգիացի իրավագետ Մ. Ռոլեն Ժեկմենի կարծիքով եվրոպական սահմանադրությունների օրինակով կազմված այդ փաստաթուղթն ուներ սահմանադրությանը համապատասխանող կառուցվածք, բայց բովանդակային առումով ճիշտ կլինէր անվանել պարզապես «Կանոնադրություն հայ համայնքի», որի նպատակն էր կազմել կիսով չափ աշխարհական և կիսով չափ կրոնական մի հասարակություն» (Ролен-Жекмен, 1896, 18-19):

Հայ իրականության մեջ այդ փաստաթղթին ժամանակին տարբեր գնահատականներ են տրվել: Ատոմը (Հարություն Շահրիկյան) սահմանադրությունը համարում է «Ազգային օրենք կամ կանոնադրութիւն», «Հայոց Պատրիարքարանի, առ առաւելն Թուրքիոյ հայ ազգի կանոնադրութիւն», «ներքին ինքնաւարտութեան օրենք» (Ատոմ, 1914, Ա, 7, 8): Առաքել Սարուխանը, որը սահմանադրությանը նվիրված իր ուսումնասիրությունը անթերի չէր գնահատում «մանավանդ պաշտոնական շրջանների կամ գաղտնի կազմակերպությունների գործունեության վերաբերյալ» տեղեկություններ չունենալու պատճառով, այն համարում էր «որչափ ազգային, նոյնչափ եւ օսմանեան պետական օրենք» (Սարուխան, 1912, Բ, Դ): Արշակ Ալպոյաճյանը սահմանադրությունը որակում է «ազգային կանոնադրութիւն» (Ալպոյաճեան, 1910, 331): Արևմտահայ մասնության գիտակ Ռուբեն Բերբերյանի<sup>2</sup> բնութագրմամբ «Սահմանադրութիւն» բառը մի մեծ թիրիմացութիւն է, այն, ինչ որ այդ անունով էր կոչւում, ի վերջոյ՝ ազգային-եկեղեցական գործերի կանոնադրութիւն էր» (Բերբերեան, 03.1937, թիվ 5, 79): «Հայաստան» օթյակի գերհարգելի վարպետ Արմենակ Ֆեներճյանն այդ փաստաթղթի մասին խոսելիս նախընտրում է գործածել մասն Նահապետ

<sup>2</sup> Ռուբեն Բերբերյանը ֆրանսիական մի քանի օթյակների անդամ էր, բարձրապատիվ մասն (Берберова, 1986, 1991, 113):

Ռուսիայանի շնորհած «ազգային սահմանադրություն» անվանումը (Ֆեներճեան, «Հայրենիք», 10.1954, թիվ 10, 93, 94; 06.1955, թիվ 6, 90; 07.1955, թիվ 7, 96):

Արևմտահայերի ազգային սահմանադրությունը չէր համապատասխանում այդ բառի քաղաքական բովանդակությանը, ասել է թե՛ ժողովրդի, երկրի, ազգի հիմնական օրենքը: Արևմտահայերենում կանոնադրություն բառը բացատրվում է «սահմանադրութիւն, օրէնք, կանոն» (Աւետիքեան, Սիրմելեան, Աւգերեան, 1979, 1051): Դրանք «հոմանիշներ են, որոնք չեն տարբերակվում քաղաքական կամ իրավական տեսակետից» (Խառատյան, 2010, 372): Այնպես որ ազգային սահմանադրությունը արևմտահայ համայնքի ներքին կյանքին վերաբերող կանոնադրություն էր: Այն հայկական տարբերակում կոչվում էր «Ազգային սահմանադրություն հայոց», իսկ թուրքերեն տարբերակում՝ «Նիզամնամեի միլլեթի էրմենիյան», այսինքն՝ «Հայ ազգի կանոնադրություն» և ոչ թե «կանոնու էսասի», ասել է թե՛ սահմանադրություն: Հայկական տարբերակում ասվում էր «Ազգային երեսփոխան», իսկ թուրքերեն տարբերակում՝ ոչ թե դրան համապատասխան «մեբուս», այլ՝ «միլլեթ վեքիլի» (ազգի փոխանորդ), կամ «մեջլիսի ումումի ազասը» (ընդհանուր ժողովի անդամ):

Այս սահմանադրության հիման վրա 1860 թ. օգոստոսի 25-ին առաջին անգամ գումարվեց Ազգային ընդհանուր ժողով, որին մասնակցում էին 120 ընտրված երեսփոխան և 60 անդամակից (Ատենագրութիւնք Ազգային ժողովոց 1860-1870, 1890): Ընդհանուր ժողովի ատենապետ ընտրվեց սահմանադրական շարժման հիմնադիրներից բժիշկ Սերովբե Վիչենյանը, իսկ ատենապետ՝ հրապարակախոս, խմբագիր Մկրտիչ Աղաթոնը: Շուտով նա ընտրվեց Քաղաքական ժողովի անդամ, իսկ նրա փոխարեն ատենադպիր ընտրվեց «Մասիս» թերթի խմբագիր Կարապետ Յուրուճյանը: Առաջին Քաղաքական ժողովի անդամներ ընտրվեցին սահմանադրական շարժման հայտնի գործիչներ Գևորգ Երամյանը, Ալթուն-Տյուրին, Հակոբիկ Նորատունկյանը, Հովհաննես Տատյանը, Մինաս Մինասյանը, Գրիգոր Մարկոսյանը, Սահակ Ապրոյանը, Մկրտիչ Աղաթոնը: Քաղաքական ժողովի առաջին ատենապետ ընտրվեց Գրիգոր Մարկոսյանը, իսկ ատենադպիր՝ Մկրտիչ Աղաթոնը (Մարուխան, 1912, 21-22; Ալպոյաճեան, 1910, 431):

Ազգային սահմանադրությունից թեպետ ոգևորությունը մեծ էր, բայց շուտով պարզվեց, որ լուրջ խոչընդոտներ կան առանձին հարցեր կարգավորելու համար: 1860 թ. սահմանադրությունը պատրիարքին իրավունք էր տալիս պահանջելու ազգային ժողովների ու խորհուրդների լուծարումը, եթե նրանց գործունեությունը հակասում էր սահմանադրությանը, վիճարկել ազգային ժողովների որոշումները: Այդ պատճառով Ատոմն ու Ա. Ալպոյաճյանը սուլթանի շնորհած փաստաթուղթը համարում էին ոչ թե ազգային սահմանադրություն, այլ պատրիարքարանի կանոնադրություն (Ատոմ, 1914, 7, Ալպոյաճեան 1910, 406):

1861 թ. սկզբին սահմանադրական բարդություն առաջացավ, երբ Երուսաղեմի պատրիարքի ընտրության հարցում ծավալվեց, այսպես կոչված, «ներսեն-դուրսեն» պայքար: «Դրսենական» սահմանադրության կողմնակիցների ու «ներսենական» հակասահմանադրական հոգևորականների միջև հակամարտությունը դուրս եկավ այդ շրջանակներից և դարձավ սահմանադրության լինել-չլինելու շուրջ մղվող պայքար («Արշալույս Արարատյան», 09.1861, թիվ 657, 658; 10.1961, թիվ 659): Դա ընդգծում է «Մեղուն», ըստ որի՝ «այսօր ամեն ողջամիտ հայ կտեսնէ թե Երուսաղեմի պատրիարքը մեջէն

ըլլա, դուրսէն ըլլա կռիւներուն ներքին նպատակը Սահմանադրութեան կործանումն է» («Մեղու», 26.07.1861, «Հավելվածը»):

1861 թ. հուլիսի 21-ին Կ. Պոլսի խառը ժողովում սահմանադրականների և հակասահմանադրականների միջև բախում տեղի ունեցավ, որն ուղեկցվեց ժողովրդի հուզումներով («Փարիզ», 1861, թիվ 54; Երիցեան, «Փորձ», 1876, թիվ 3, 155): Հուլիսի 26-ին Սարգիս պատրիարք Գոյումճյանի հրավիրած ժողովը ընդունեց «խավարյալներին» սատարող որոշում, իսկ օգոստոսի 5-ին սահմանադրականների ժողովը պատրիարքին մեղադրեց հակասահմանադրական քայլեր անելու մեջ: 1861 թ. օգոստոսի 21-ին Կ. Պոլսի բնակչությունը կրկին ըմբոստացավ: Մեծ եպարքոս Ալի փաշան, օգտվելով այն հանգամանքից, որ սահմանադրությունը կառավարության կողմից վավերացված չէ, պահանջեց դադարեցնել դրա գործադրությունը («Մասիս», 1861, թիվ 506): 1861 թ. հոկտեմբերի 17-ին՝ Սարգիս պատրիարքի հրաժարականից հետո, ազգային ժողովն ու վարչությունը լուծարվեցին:

**1863 թ. Սահմանադրությունը:** 1860 թ. սահմանադրության հռչակումը պոլսահայությունն ուրախությամբ ընդունեց՝ հույս ունենալով «վայելել ազատութեան պտուղները» («Հայրենիք», 06.1955, թիվ 6, 90, 92) և դրանով «գորաւոր ազգերի շարքին դասվել» (Զիլինկիրեան, 1883, 56): Բայց շուտով ակնհայտ դարձավ, որ սահմանադրությունը նրանց կյանքի, գույքի, ազատության և քաղաքական իրավունքների ակնկալվող երաշխավորը չէ: Դրա վկայությունը 1862 թ. Զեյթունի ապստամբության եղերական հետևանքներն էին: Սահմանադրությամբ հայ համայնքի ձևավորած կրոնական, քաղաքական, գործադիր և այլ ժողովների գործունեությունը հիասթափություն առաջ բերեց առաջադեմ մտավորականության շրջանում, մինչդեռ պոլսահայության մեծ մասը հայ համայնքի կանոնադրությունից «քաղաքական սահմանադրության բովանդակություն» էր ակնկալում, որը «իբր թե կոչուած էր երաշխավորելու հայի քաղաքացիական ազատութիւնները» («Հայրենիք», 03.1937, թիվ 5, 79):

Սահմանադրական հույսերի չիրականացման հետևանքով Կ. Պոլսում առաջ եկած հեղձուցիչ մթնոլորտը, հանրային բարքերի անկումը, կաթոլիկ և ուղղափառ համայնքների կրոնական չհաղթահարվող տարաձայնությունները, կռիվներն ու երկպառակտումները 1860-ական թթ. սկզբին հանգեցրին փոքրաթիվ հայ մասունության ակտիվացմանը: Եվրոպական մասունական օթյակներին անդամագրված սահմանադրական գործիչները մինչ հայկական օթյակ հիմնելը ստեղծեցին մասունական գաղափարախոսություն կրող մի շարք հասարակական կազմակերպություններ ու միություններ: 1861 թ. սեպտեմբերի 1-ին Կ. Պոլսում «Համազգեաց ընկերության» 8 անդամներ հիմնեցին «Բարեգործական ընկերություն հայոց» կազմակերպություն: Ընկերության հիմնադիրների ու անդամների մեծ մասը կաթոլիկ հայեր, մասուններ և սահմանադրական շարժման ակտիվ գործիչներ էին: Ընկերության ատենապետ ընտրվեց Գրիգոր Աղաթոնը, ատենապետի փոխանորդ՝ Գրիգոր Օտյանը, ատենադպիր՝ Մկրտիչ Պեշիկթաշյանը, ատենադպիրի փոխանորդ՝ Տիգրան Յուսուֆյանը: Ընկերության կանոնադրությունը, ծրագիրը, հրատարակած «Հայտարարությունը» կազմված էին մասունական գաղափարախոսության ոգով, և դրանցում ընդգծվում էր եվրոպական «քաղաքակրթութիւնը իրեն առաջնորդ բռնելու» պարտավորությունը, «հին կարգն ու կանոնները տակն ու վրայ ընելը և անոնց վրայ

հիմնեալ ընկերական շենքը» (Յայտարարութիւն Բարեգործական Ընկերութեան Հայոց, 1861, 15-16):

1860 թ. նոյեմբերին «Բարեգործականի» անդամներ Հարություն Սվաճյանի և Սերովբե Թագվորյանի երաշխավորությամբ ընկերությանն անդամակցեց օրեր առաջ Կ. Պոլիս եկած Միքայել Նալբանդյանը ու նրանց միջոցով ծանոթացավ մասունությանը (Մովսիսյան, 2018, 337-384): Շուտով նրանք ստեղծեցին նաև «Երիտասարդ միություն» գաղտնի ընկերություն, որի գործունեության մասին տեղեկություններ չեն պահպանվել (Մինաս Չերազ, 1927, 72):

«Բարեգործականի» անդամ սահմանադրական գործիչները երբևէ ընկերության անվանմանը համահունչ գործունեություն չձգվելիցին, այլ նախապատրաստական աշխատանք տարան պոլսահայությանը մասունության գաղափարախոսությունը հասանելի դարձնելու ուղղությամբ: Նրանք քաղաքացիական քաջություն ունեցան եվրոպացի ազատ որմնադիրների օրինակով համախմբվելու մասունական օթյակներում, որպեսզի հաղթահարեն հայ համայնքների գործունեությունում թուրքական իշխանությունների հարուցած խոչընդոտներն ու արգելքները:

1861 թ. նոյեմբերի 9-ին Կ. Պոլսում Անգլիայի դեսպան, բարձրաստիճան մասուն Հենրի Բուլվեր Լիթթոնի<sup>3</sup> նախաձեռնությամբ և «Բարեգործականի» հիմնադիրներից Սերովբե Ազնավուրի անմիջական ջանքերով հիմնվեց անգլախոս օթյակ: Այն, ի պատիվ մեծ հանրաձանաչություն և հեղինակություն վայելող դեսպանի, կոչվեց «Բուլվեր» թիվ 894 օթյակ («Կեանք և արուեստ», 10.1936, թիվ 8, 229; Պէլլերեան, 2001, 154): Անգլիայի դեսպանի խորհրդով 1862 թ. հունվարի 25-ին Սերովբե Ազնավուրն ու Սերովբե Թագվորյանը Կ. Պոլսում հիմնեցին «Հայկ» կամ «Օրիոն» անվանումով հայկական եղբայրական միություն, որը մասունության գաղափարակիր Մանչեստրի «Odd Fellows» գաղտնի ընկերության մասնաճյուղ էր («Մասիս», 27.01.1862):

1862թ. հոկտեմբերի 25-ին Կ. Պոլսում հիմնվեց «Արևելքի միություն» ֆրանսախոս օթյակը, որին անդամագրվեցին Սերովբե Ազնավուրը, թատերական գործիչ Սրապիոն Հեքիմյանը, Օսմանյան կայսության թարգմաններ Թորոս բեյ Գիսակը, Հովսեփ Վարդանյանը, կրթության նախարարության պաշտոնյա Հարություն Սարաֆյանը, Պետական խորհրդի անդամ Հովհաննես Նուրյանը, ֆինանսների նախարարության պաշտոնյա Տիրան Ալիքսանյանը, բանկիր Մկրտիչ Փիշմիշյանը, դիվանագետներ Էլիաս Չայանը, Հարություն Տատյանը, ճարտարագետ Ներսես բեյ Տատյանը, փաստաբան Ավետիս Քոլոյանը, թարգմանիչ Հաբեթիկ Նեվրուզյանը: Այս օթյակի անդամ դարձան նաև «Մասիս» թերթի խմբագիր Կարապետ Յուրուճյանը, ճանաչված բժիշկներ և հասարակական գործիչներ Նահապետ Ռուսինյանը, Գրիգոր Մոզյանը, Ստեփան Ասլանյանը, Հովսեփ Շիշմանյանը (Օերենց), Բարունակ բեյ Ֆերուհիսան Քրթիկյանը, Միքայել Խորասանճյանը, Տիգրան Փեշտիմալճյանը, Անդրանիկ Կրճիկյանը, Հայկ Պարոնիկ Մաթևոսյանը, դիվանագետ Հարություն Տատյանը, Կարապետ Սարաճօղլուն («Կեանք և արուեստ»,

<sup>3</sup> Հենրի Բուլվեր Լիթթոնը անգլիական «Հերթֆորդ» օթյակի անդամ էր: 1859 թ. մայիսին Կ. Պոլսում անդամագրվել էր «Արևելյան» օթյակին, հիմնադրել «Գերմանական միություն», «Հաղթանակ» օթյակները: 1862 թ. նա Թուրքիայում «Անգլիայի մեծ օթյակի» գավառային առաջին Մեծ վարպետն էր (Sommerk, 2015; Konitz Stanly, 1936; Mitchel, 2003):



10.1936, թիվ 8, 226; «Հայրենիք», 06.1955, թիվ 6, 91-9; Պելլերեան, 2001, 158, 166, 175, Jamgocyan, 2017, 80-84):

Մասնությունն անդամագրված այս մտավորականները, որոնց մեծ մասը սահմանադրական շարժման գործիչներ էին, ձեռնամուխ եղան սահմանադրության վերափոխմանը: Այդ նպատակով Բարձր դուռը ստեղծեց 4 հոգևորականներից և 8 աշխարհիկ մարդուց բաղկացած հանձնաժողով, որի կազմում ընդգրկվեցին Սերվիլչենը, Գ. Աղաթոնը, Հ. Նորատունկյանը և ուրիշներ: 1862 թ. փետրվարին հանձնաժողովն ավարտեց իր աշխատանքը, խմբագրեց և փոփոխություններ մտցրեց սահմանադրության տեքստում: Սակայն Բարձր դռան հրահանգով ընդհանուր ժողովը ստեղծեց սահմանադրությունը վերաքննելու նոր հանձնաժողով, որին անդամակցում էին Սերվիլչենը, Ս. Ասլանյանը, Ն. Ռուսինյանը, Գ. Օտյանը Մ. Աղաթոնը, Մ. Մինասյանը, Հ. Սուրենյանը և ուրիշներ:

Երկու հանձնաժողովների համատեղ կազմած նոր տեքստը 1862 թ. ապրիլին ներկայացվեց Բարձր դռան հաստատմանը (Մարուխան, 1912, 24): 1862 թ. օգոստոսի 1-ին Կ. Պոլսի սահմանադրականների պատվիրակությունը խառը հանձնաժողովից պահանջեց ներկայանալ Բարձր դուռ և հորդորել վերսկսել սահմանադրության հաստատումը: Հանձնաժողովի ատենապետ Բարունակ Ֆերուհխանը փորձեց հանգստացնել ժողովրդին, բայց արդյունքի չհասավ: Մինչև օգոստոսի 9-ը Կ. Պոլսում շարունակվեցին փողոցային ընդհարումները սահմանադրականների և հակասահմանադրականների խմբավորումների միջև, մինչև որ ոստիկանությունը վերականգնեց կարգուկանոնը և ժամանակավոր Խառը հանձնաժողովի իրավասությունները («Մեղու», 01.08.1862, 169-172):

Թուրքական կառավարությունը 7 ամիս շարունակ ուսումնասիրում էր սահմանադրության նոր տեքստը, որի հաստատումը շարունակ ձգձգում էր: Գործին միջամտեց Կ. Պոլսում Անգլիայի դեսպան մասոն Հ. Բուլվեր Լիթթոնը: Նրա միջնորդությամբ Բարձր դուռը միայն 1863 թ. մարտի 17-ին՝ բազմաթիվ փոփոխություններից հետո, պատրիարքարանին վերադարձրեց սահմանադրության սրբագրված ու վավերացրած տեքստը՝ պատրիարքի տեղապահ Ստեփանոս Էպիսկոպոս Մաղաքյանին պատգամելով «պարունակած նիւթերուն այսուհետև անթերի գործադրութեանը հսկել» (Ալպոյաճեան, 1910, 403): Սահմանադրությունը դժկամությամբ հաստատած սուլթան Աբդուլ Համիդը հայտարարեց. «Ալի փաշայեն էն յիմարական գործը եղած է այդ սահմանադրութիւնը» («Նոր կեանք», 1899, թիվ 1, 5): Սահմանադրությունը վավերացնելու հարցում մտավախություն չունեցողներ մեծ եպարքոս Ալի Ֆուադ փաշան, որն այդ հարցը քննարկելիս հայտարարեց. «Հայք ի՞նչ են ուզում, իրանց սահմանադրութիւնը, շատ բարի, տուէք իրանց ուզածը և մի վախիք նորա գործադրութեան մասին, վասնզի հայոց սահմանադրութիւնը քառանկյունի անիվներով մի սայլ է, որը շատ գնալ չի կարող» («Փորձ», 1876, թիվ 3, 174):

Դա չէր ընկալում պոլսահայությունը, որը սահմանադրության հաստատումը Հունքեար Իսկելեաի դաշտում հանդիսավորությամբ նշեց որպես տոն: Նրանք ազգային երգեր երգեցին, հայրենասիրական ճառեր կարդացին և «կեցցե՛նք ինչպես Բոսֆորի օղբ թնդացրին»: Հանդիսության մասնակիցներին ազգային դրոշմը ձեռքներին մի խումբ իտալացի երիտասարդների ուղեկցությամբ շնորհավորեց Իտալիայի դեսպան Բելլա Գարաչչիոլան («Փորձ», 1876, թիվ 3, 177):

1860 թ. մայիսի 24-ի և 1863 թ. մարտի 17-ի սահմանադրությունների միջև կային զգալի տարբերություններ: Դրանք ակնհայտ էին նաև 1863 թ. սահմանադրության հայերեն և թուրքերեն տեքստերի միջև, որոնք արտացոլում էին պոլսահայ ազատամիտ մտավորականության և Բարձր դռան մտեցումների տարբերությունները ազգային համայնքների կարգավիճակի վերաբերյալ: Հայերեն բնագրում «Ազգային ժողով», «Քաղաքական ժողով», երեսփոխան եզրույթները, որոնք սահմանադրական իմաստ ունեն, թուրքերեն բնագրում համարժեք չէին թարգմանված, որը պետության պաշտոնական դիրքորոշումն էր: 1863 թ. թուրքերեն բնագրից հանվեցին 1860 թ. սահմանադրությունում տեղ գտած հիմնական վեց սկզբունքները և ազգային նշանակություն ունեցող ութ հոդվածները, որոնք կարևորություն ունեին օրինականության տեսանկյունից: Բարձր դուռը մտածված գնաց այդ քայլին՝ արևմտահայերի կազմած սահմանադրությանը կանոնադրության բնույթ տալու նպատակով և որպես այդպիսին ընդունելու իրողությունից ելնելով:

Նոր սահմանադրությունը նախորդի համեմատ զգալիորեն կրճատվեց. 150 հոդվածից մնաց ընդամենը 99 հոդված: 1863 թ. սահմանադրությունը «աւելի ամփոփ էր և աւելի գործնական կարգադրութիւններ էր բովանդակում» (Մարուխան, 1912, 25), քան 1860 թ. սահմանադրությունը, որից էական դրույթներ և կանոնադրական շատ մանրամասնություններ հանվեցին: 1863 թ. սահմանադրությունից դուրս մնացին նախորդ տեքստի՝ ազգային վարչության կազմության մասին այն հոդվածները, որոնք վերաբերում էին վարչության երեսփոխանական բնույթին, գավառահայության տեղական վարչության փոխադարձ իրավունքներին ու պարտականություններին, ինչպես նաև ամբողջ ազգի, Էջմիածնի Մայր աթոռի հետ ունեցած հարաբերություններին (Ալպոյաճեան, 1910, 406): Սահմանադրությունները Ազգային ժողովում Կ.Պոլիսը և գավառները համամասնորեն չէին ներկայացնում: 1860թ. սահմանադրությամբ հայ համայնքն ընտրելու էր 220 երեսփոխան, որից 160-ը՝ Կ. Պոլսի 200-հազարանոց համայնքը, իսկ 60-ը՝ երկումիլիոնանոց գավառները (Ազգային սահմանադրութիւն հայոց, 1860, 10), մինչդեռ 1863 թ. սահմանադրությամբ Կ. Պոլիսն ընտրելու էր 100, իսկ գավառները՝ 40 երեսփոխան (Ազգային սահմանադրութիւն հայոց, 1860, 39): Ստացվում է, որ սահմանադրությունները կազմված էին Կ. Պոլսի ու արվարձանների համար և առանձին «միայն չորրորդ գլուխը՝ գաւառի համար» (Ատոմ, 1914, 66):

1860 թ. սահմանադրության համաձայն՝ ազգային ժողովը գումարվում էր կանոնավոր, ամեն տարի մարտին, իսկ արտահերթ ժողով կարելի էր հրավիրել ընդհանուր ժողովի որոշմամբ: 1863 թ. սահմանադրությամբ ազգային ժողովը հրավիրվում էր երկու տարին մեկ անգամ, որը պետք է աշխատեր երկու ամիս: Արտահերթ ժողով հրավիրելու համար անհրաժեշտ էր նախօրոք այդ մասին տեղեկացնել Բարձր դռանը և միայն թույլտվության դեպքում ժողովը բացել (Ազգային սահմանադրութիւն հայոց, 1863, 40-41):

1863 թ. սահմանադրությամբ նվազեցված էր եկեղեցու, Կ. Պոլսի պատրիարքի և հոգևորականության դերը ազգային ժողովում: Պատրիարքը թեպետ ազգային ժողովների նախագահն էր և վարում էր դրանց գործադիր իշխանությունը, բայց առաջին հոդվածում ասվում էր, որ նա «տերութեան հրամանաց գործադրութեան միջնորդն է» (Ազգային սահմանադրութիւն հայոց, 1863, 13): Նորություն էին Երուսաղեմի պատրիարքի

կարգավիճակի, ազգային վարչության հետ նրա փոխհարաբերությունների կանոնակարգումն ու պատրիարքի «ներսէն» ընտրակարգը: Ընդհանուր առմամբ 1863 թ. սահմանադրությունը իր ազգային արժեքով և ազատականությամբ զիջում էր 1860 թ. սահմանադրությանը, որն ավելի կատարյալ ու տրամաբանական կանոնակարգված փաստաթուղթ էր: 1863 թ. սահմանադրությունը ընդլայնում էր օսմանյան իշխանություններից հայ համայնքի կախվածության աստիճանը՝ խորացնելով ենթարկվածության իրավական հիմքերը: Այն շատ թույլ հնարավորություններ էր տալիս ազգային ինքնորոշման տրամադրություններին, նվազեցնում էր նրանց ինքնավարության աստիճանը, որը մասամբ առկա էր 1860 թ. սահմանադրությունում:

Պոլսահայ ամիրաներն ու նրանց հետ բազմաթիվ կապերով սերտաձած բարձրաստիճան հոգևորականությունը դեմ էին սահմանադրության ընդունմանը, որը սահմանափակելու էր իրենց իրավունքները: Դրա դեմ հետևողականորեն հանդես էին գալիս նաև ծայրահեղ պահպանողական հրապարակախոսներ Հովհաննես Չամուռյան Տերոյենցի «Երևակ», Եղիա Տեյիրմենճյանի «Արևելյան դար» թերթերը: «Երևակը» նույնիսկ հուշում էր թուրքական իշխանություններին, որ սահմանադրություն ընդունել նշանակում է «հպատակ ազգի մը կառավարութեան արտոնութիւն մը շնորհուիլը, որովհետև մի և նոյն տէրութան մեջ երկու կերպ կառավարութիւն ընդունիլ» («Երևակ», 01.07.1861, 14): Գավառահայության շահերի պաշտպան, «երկրի վիճակին լավատեղյակ» (Թոփչեան, 1909, 236), թուրքական իշխանությունների շրջանում «տաքզուխ» հայի համբավ ունեցող Մկրտիչ Խրիմյանը 1860 թ. սահմանադրության դեմ հանդես եկողների մասին գրում էր. «Սահմանադրութիւն մերժող դասը ավելի հասկացողներն են, քան թե պարզամիտ հասարակութիւնը» («Արծվի Վասպուրական», 1861, թիվ 8, 228-229):

Սահմանադրական շարժման ծավալման գործում մեծ դեր խաղացին լիբերալ գործիչները, որոնք շարժման նախաձեռնողները, ղեկավարները, սահմանադրության տեքստի հեղինակներն ու դրա մի քանի տարբերակների խմբագիրներն էին: Արևմտահայ լուսավորյալ սահմանադրականները մտադիր էին Օսմանյան կայսրության կազմում ազգային ինքնավարություն ստեղծել, այնուհետև՝ անցնել խորհրդարանական հանրապետության: Այս գաղափարը նրանք ցանկանում էին իրականություն դարձնել ազգի լուսավորյալ գործիչների միջոցով, և այն սրբագրեցին 1860 թ. սահմանադրության ընդունումից հետո, երբ թուրքական իշխանությունները զենքի ուժով ճնշեցին 1862 թ. Զեյթունի ապստամբությունը, Վասպուրականի և Մուշի զինված ելույթները: Դրանից անհանգստացած սահմանադրականները նահանջեցին իրենց դիրքերից և համաձայնեցին ունենալ թեկուզ սահմանափակ իրավունքներով, բայց ազգային սահմանադրություն, որը կկարգավորեր հայ համայնքի գործունեությունը: Այդ պատճառով նրանք համաձայնեցին 1860 թ. սահմանադրության աղճատմանը: Ազգային սահմանադրական շարժման սկզբնական շրջանում 1860 թ. սահմանադրության հետ մեծ հույսեր էին կապում հայտնի հրապարակախոսներ, եվրոպական մատնական օթյակների անդամներ Հ. Սվաճյանը, Գ. Զիլինկիրյանը, Կ. Փանոսյանը, Մ. Մամուրյանը և նրանց համախոհ հասարակական, քաղաքական գործիչները: «Խավարյալ» ամիրաների «լուսավորյալ» ժառանգներ Մերվիչենն ու Գրիգոր Օտյանը «մեծարում էին եկեղեցու հանգույցներով կաշկանդված Ազգային սահմանադրությունը...», երագում էին ազգային ոգու անկախությունը» (Հովհաննիսյան,

1955, 365): Բայց ինչպես իրավացիորեն նշում է սահմանադրական շարժման գործիչ, մասուն Հակոբ Վարդանյանը, «ուրիշ բան է Սահմանադրություն մը գրել և հաստատել, և ուրիշ բան է զանիկայ գործադրել» (Վարդանեան, 1863, 40):

1861-1863 թթ. սահմանադրական պայքարի նոր շրջափուլում արևմտահայ մասնուները հասկացան, որ սահմանադրության հեղինակները տեղի են տալիս ճնշումներին և առանց լուրջ պայքար մղելու հրաժարվում են իրենց գաղափարական համոզմունքներից: Սահմանադրության վերաբերյալ նրանց դիրքորոշման մեջ կտրուկ շրջադարձ տեղի ունեցավ հատկապես 1863 թ. սահմանադրության հաստատումից հետո: Նրանք հասկացան, որ Միքայել Նալբանդյանի բնութագրմամբ 15 տարվա պայքարի արդյունքում ձեռք բերված սահմանադրությունը, որը սուլթանի հաստատումից հետո դարձավ սոսկ «թլպատված» և մասնակիորեն «խեղացած» (Նալբանդյան, 1983, 292) փաստաթուղթ, չի արդարացնում իրենց սպասումներն ու ակնկալությունները:

Ստեփան Ոսկանյանի կարծիքով սահմանադրության ընդունմամբ «տակավին ըղձալի օրը չծագեցավ, և իր անունը միայն հստած թերթի մը վրայ կտեսնուի» (Հովհաննիսյան, 1955, 389):

Նախկինում 1860 թ. սահմանադրությամբ ոգևորված մասուն Հ. Սվաճյանը դարձավ 1863 թ. սահմանադրության լուրջ քննադատողներից մեկը: Նա «Մեղու» թերթի հրապարակումներում, «Մատնություն» գրքույկում, տարածած թոռուցիկներում և որպես երեսփոխան Ազգային ժողովում սկսեց անողոք քննադատել ոչ միայն պահպանողականներին, լիբերալներին ու ամիրաներին, այլև Ազգային ժողովի անգործության մատնված անդամներին: Խորապես հիասթափված կատարվածից՝ Հ. Սվաճյանը գրում էր, որ ժողովուրդը «երեսփոխան ընտրեց, անոնց տուաւ ազգը կառաւարելու իշխանութիւնը և մինչև հիմա ամենայն կերպով հնազանդեցաւ անորոշ: Սակայն ասոնք, ցավելով կ'ըսենք մեծագոյն մասով խաբեցին անոր վստահութիւնը և ի դերն հանեցին անոր գեղեցիկ յոյսերը» («Մեղու», 23.01.1865, 1):

Կարապետ Փանոսյանը, ընտրվելով Ազգային ժողովի երեսփոխան, շատ շուտ հիասթափվեց և հրաժարվեց մասնակցել ժողովի աշխատանքներին:

1863 թ. սահմանադրությունից մասուն Մ. Մամուրյանն այնքան հուսախաբված էր, որ ցավով գրում էր. «Երբ սահմանադրական հայ կը տեսնեմ, կհիշեմ այն մուրացկանը, որ հացը մեղրի գոց ամանի վրա կը քսեր և կը կաճեր թէ մեղր է կերածը... անոր հոտով կը կշտանար» (Վրույր [Մ. Մամուրեան], 1872, 124):

Մասուն Գ. Չիլինկիրյանը նկատում է, որ Կ. Պոլսի հայությունը հուզված է տեղի ունեցածից, քանզի հույս ուներ թե դրանով կարող է «գօրաւոր ազգերի շարքին դասել» (Չիլինկիրեան, 1883, 56): Նա ուշացումով, բայց և այնպես հասկացավ, որ «Սահմանադրութեան ազդեցութիւնը խիստ փանաքի եղաւ..., ամիրաներու քմածին կամքին հաջորդեց ամիրայական բեկորներու խոսքը և անզգա ժողովականներու թոթվումը» (Չիլինկիրեան, 1883, 58): Նա հասկանում էր, որ պոլսահայությունը սահմանադրական պատրանքների մեջ է, հստակորեն չի պատկերացնում վիճակի լրջությունն ու իրեն սպասվող հիասթափությունը:

Մասուն Հ. Վարդանյանի համոզմամբ արևմտահայությունը պատրաստ չէր սահմանադրության ընդունմանը, որի կապակցությամբ գրում է. «Հայ ազգին հիմակուան

վիճակը արդեն յարմար էր Սահմանադրության: Եթե այս հարցումը ժամանակին ըլլար մեզի, պատասխանիս յայտնի էր. այսինքն թե ոչ» (Վարդանեան, 1983, 39):

1863 թ. ազգային սահմանադրությունը, որն իրականում ազգային ներքին կյանքն ու պատրիարքարանի գործունեությունը կարգավորող կանոնադրություն էր, չարդարացրեց արևմտահայ սահմանադրական շարժման գործիչների ու մասոնների հույսերը: Ազգային սահմանադրության հիման վրա կազմավորված կրոնական և քաղաքական ժողովների «թմրեցուցիչ և յուսախաբուրիս ծնող գործունեութեանը» (Բերբերեան, «Հայրենիք», 03.1937, թիվ 5, 75) հակադրվելու, Կ. Պոլսի՝ հետսահմանադրական շրջանի բարոյական հեղձուցիչ մթնոլորտը հաղթահարելու, հայությանը գոտեպնդելու, նրա ազգային ոգուն նոր ուժ ու կորով հաղորդելու նպատակով արևմտահայ մասոնները ձեռնամուխ եղան հայկական օթյակների ստեղծմանը:

1862 թ. Ս. Ազնավուրի և Ս. Թագվորյանի ջանքերով Կ. Պոլսում հիմնվեց մասոնական բնույթ ունեցող անգլիական «Odd Fellows» եղբայրական ընկերության «Արամ» մասնաճյուղը («Կեանք և Արուեստ», 1935, 73; «Հայրենիք», 02.1955, թիվ 2, 79-81): 1864 թ. ապրիլի 27-ին Ջմյուռնիայում Հ. Բուլվեր Լիթթոնի մտահաղացմամբ և Ս. Ազնավուրի նախաձեռնությամբ հիմնվեց «Տիգրան» թիվ 1014 առաջին հայկական օթյակը, որին անդամագրվեցին հայտնի հրապարակախոսներ, խմբագիրներ Մառթեսու Մամուրյանը, Գրիգոր Զիլինկիրյանը, Ղուկաս Պալղազարյանը, թարգմանիչ Մեսրոպ Նուպարյանը, դերասաններ Ստեփան Էքշյանը, Մարգիս Միրզա Վանանդեցին, տպարանատեր-հրատարակիչներ Հարություն, Կարապետ, Ստեփան Տետեյան եղբայրները, փաստաբան Հարություն Ահարոնյանը, բժիշկ Թյուրապյանը, գործարարներ Տիրան Էքիզյանը, Կարապետ Արապյանը, Մեպուհ Մաքսուտ բեյը, բազմաթիվ վաճառականներ և ուրիշներ («Կեանք և Արուեստ», 1935, 73; «Հայրենիք», 05.1937, թիվ 7, 132; 02.1955, թիվ 2, 81; Պեյլերեան, 2001, 161-164; Jamgocjan, 2017, 67):

1866 թ. փետրվարի 22-ին Կ. Պոլսում իտալական օթյակին պատկանող տանը Սերովբե Ազնավուրի անմիջական ջանքերով հիմնվեց «Սեր» հայկական օթյակը, որին անդամագրվեցին սահմանադրական շարժման անդամներ Միքայել Ալիշանը, Սրապիոն Հեքիմյանը, Սերովբե Թագվորյանը, Հարություն Սվաճյանը, Կարապետ Յուրուճյանը, դերասան Ստեփան Էքշյանը, ճարտարապետ Ռոմանոս Սետեֆճյանը, Սկրտիչ Պեշիկթաշյանը, դիվանագետ Գաբրիել Նորատունկյանը, պետական պաշտոնյաներ Լևոն Փափագյանը, Արթին Ասլանյանը և շատ ուրիշներ («Կեանք և Արուեստ», 1935, 75; «Հայրենիք», 04.1937, թիվ 6, 127-129; Հայրենիք, 05.1937, թիվ 7, 122-130, «Հայրենիք», 1955, թիվ 7, 95-98; Պեյլերեան, 2001, 166-168; Jamgocjan, 2017, 92-99):

Սահմանադրական շարժման գործիչները, համալրելով մասոնական օթյակների շարքերը, ձգտում էին հաղթահարել պոլսահայության բուն դրած կոռիվները, տարաձայնությունները, երկպառակությունները և մեղմել հանրային հոռի բարքերը: Նրանք նպատակ էին հետապնդում հանրությանը ընկալելի դարձնելու ազգի օգտի ու ազգային միության գաղափարները, ամրապնդելու դրանք լայն խավերի շրջանում, հղկելու ազգային քարը, հարթեցնելու ու շաղախելու մասոնության «տիեզերական եղբայրության», « մարդկային համերաշխության զգացմունքներով»:

**Եզրակացություն:** Ազգային սահմանադրությունը մասնակի ընդհատումներով գործեց 1860 թ. մայիսի 24-ից մինչև 1869 թ. դեկտեմբերի 9-ը, այնուհետև՝ մինչև 1891 թ. սեպտեմբերը, իսկ հաջորդ հինգ տարիներին՝ ընդհատումներով: 1896 թ. հուլիսից մինչև 1908 թ. հուլիսը սահմանադրությունը դադարեց գործելուց, իսկ երիտթուրքերի իշխանության տարիներին գործեց որպես ազգային կանոնադրություն, որը քաղաքական որևէ հիմք չուներ: 1915 թ.՝ հայոց եղեռնագործության տարում, սահմանադրությունը վերացվեց: 1923 թ. Լոզանի կոնֆերանսից հետո թուրքական իշխանությունները վերացրին ինչպես արևմտահայերի ազգային սահմանադրությունը, այնպես էլ հպատակ բոլոր ազգային փոքրամասնությունների կանոնադրությունները:

### ԳՐԱԿԱՆՈՒԹՅԱՆ ՑԱՆԿ

1. Ազգային սահմանադրութիւն հայոց, (1860, 1963), Կ. Պոլիս:
2. **Ալպոյաճեան Ա. (1910)**, Ազգային սահմանադրութիւնը, իր ծագումը և կիրառութիւնը: Ընդարձակ օրացույց Ս. Փրկչեան հիվանդանոցի հայոց, Կ. Պոլիս:
3. **Ալպոյաճեան Ա. (1964)**, Զմիւռնոյ տպարանները// «Պատմաբանասիրական հանդէս», 1964, թիվ 2:
4. **Ալպոյաճեան Ա. (1927)**, Մինաս Չերազ, Գահիրէ:
5. **Աճառեան Հ. (2001)**, Պատմութիւն հայոց նոր գրականութեան, Պէյրութ:
6. **Ասատուր Հ. (1879)**, Սահմանադրութիւնն և հայ ժողովուրդը, Կ. Պոլիս:
7. **Ասատուր Հ. (2011)**, Կոստանդնուպոլսոյ հայերը և իրենց պատրիարքները, Ստանպուլ:
8. Ատենագրութիւն Ազգային ժողովոյ (1865), Կ. Պոլիս:
9. Ատենագրութիւնք Ազգային ժողովոց 1860-1870 (1890), Կ. Պոլիս:
10. **Ատում (1914)**, Ազգային սահմանադրութիւնը, գիծեր մեր մշակույթի պատմութենէն, Կ. Պոլիս:
11. **Աւետիքեան Գ., Սիրմելեան Խ., Աւգերեան Մ. (1979)**, Նոր բառագիրք Հայկազեան լեզուի, հ. Ա, Երևան:
12. «Արշալույս Արարատյան» (Զմյուռնիա), 1846-1848, 1850, 1861:
13. «Արծվի Վասպուրական» (Վան, Վարազ), 1861:
14. «Արևմուտք» (Փարիզ), 1859:
15. **Բերբերեան Ռ.**, Հայ մասունները եւ Սէր օթեակը Պոլսոյ մէջ// «Հայրենիք», 1937, մարտ, թիվ 5:
16. «Երևակ» (Կ. Պոլիս), 1861:
17. **Թովչեան Ե. (1909)**, Երիտասարդ Թուրքիան և հայերը: Մասն առաջին, Թիֆլիս:
18. **Թումանեան Կ. (1906)**, Պատմութիւն Արևելեան ինդրոյ, Լոնդոն:
19. **Խառատյան Ա. (2010)**, Արևմտահայ սահմանադրական շարժումը: Արևմտահայերի ազգային սահմանադրությունը// Հայոց պատմություն, հ. 3, գիրք առաջին, Երևան:
20. «Ծաղիկ» (Զմյուռնիա), 1861-1862:
21. «Կեանք և Արուեստ» (Փարիզ), 1935, 1936
22. «Հայաստանի կոչնակ» (Նյու Յորք), 1957:
23. «Հայրենիք» (Բոստոն), 1937, 1954-1955:
24. «Հանդէս ամսօրեայ» (Վիեննա), 1902:
25. **Հովհաննիսյան Ա. (1955)**, Նալբանդյանը և նրա ժամանակը, հ.1, Երևան, էջ 365:

26. «Մասիս» (Կ. Պոլիս), 1852, 1857, 1859-1862, թիվ 506:
27. «Մեդու» (Կ. Պոլիս), 1856, 1860-1862, 1865:
28. **Մինաս Չերազ (1929)**, Կենսագրական միւսիոններ, Պարիս, էջ 71:
29. «Միություն» (Զմյուռնիա), 1860:
30. **Մովսիսյան Ֆ. (2018)**, Միքայել Նալբանդյանի մասին լինելու հարցի շուրջ: ՎՊՀ միջազգային գիտաժողովի նյութերի ժողովածու, Վանաձոր, էջ 337-384:
31. Յայտարարություն Բարեգործական Ընկերության Հայոց (1861), Կ.Պոլիս:
32. **Նալբանդյան Մ. (1983)**, Երկերի ժողովածու, հ. 4, Երևան:
33. «Նոր կեանք» (Լոնդոն), 1899:
34. **Չիլինկիրեան Գ. (1883)**, Ուղևորություն ի Կոստանդնուպոլիս, Զմիւռնիա:
35. **Պալասանեան Ս. (1890)**, Պատմություն հայոց, Կ.Պոլիս:
36. **Պէլլերեան Ա. (2003)**, Ազատ որմնադրության մուտքը Օսմանեան կայսրություն և Պոլսոյ հայկական Սեր օթեակը ԺԹ դարուն// «Հայկազեան հայագիտական հանդես», հատոր ԻԳ, Պէլլերոթ:
37. **Պերպլերեան Ա. (1871)**, Պատմություն հայոց, Կ. Պոլիս:
38. **Պողոսեան Կ. Եփրեմ վ. (1967)**, Պատմություն հայ մշակութային ընկերություններու, հ. Ա, Վիեննա:
39. **Սարուխան (1912)**, Հայկական խնդիրն և Ազգային սահմանադրությունը Թուրքիայում 1860-1910, Ա հատոր, Թիֆլիս, էջ 246:
40. **Վարդանեան Յ. (1863)**, Սահմանադրական ճշմարտություններ ու անոնց պարտավորությունները, Կ. Պոլիս, էջ 40:
41. **Վրույր [Մ. Մամուրեան] (1872)**, Հայկական նամականի, Զմյուռնիա, էջ 124:
42. **Փափազեան Ա. (1862)**, Ազգային Պատմություն, Կ. Պոլիս, էջ 190:
43. **Փափազեան Ա. (2002)**, Թուրքական վավերագրական նյութեր Օսմանյան կայսրության ոչ մահմեդական ժողովուրդների մասին (1839-1915), Երևան, էջ 27-35:
44. «Փարիզ» (Վիեննա), 1861:
45. «Փորձ», 1876:
46. **Քեչեան Բ. (1888)**, Պատմություն Ս. Փրկչի հաւանդանոցին Հայոց ի Կոստանդնուպոլիս, Կ. Պոլիս, էջ 90:
47. **Քյումուրճեան Ե. (1931)**, Ստամպոլի պատմություն, Վիեննա, էջ 568:
48. **Օրմանեան Մ. (1961)**, Ազգապատում, Գ հատոր, մասն Ա, Պէլլերոթ, էջ 3880:
49. **Ֆէնկրճեան Ա. (1954)**, Ազատ որմնադրությունը հայոց մէջ// «Հայրենիք» (Բոստոն), հոկտեմբեր, թիվ 10:
50. **Ֆէնկրճեան Ա. (1935)**, Ազատ որմնադրությունը Սօտավոր Արևելքի մէջ// «Կեանք և Արուեստ»:
51. **Ֆէնկրճեան Ա. (1936)**, Ազատ որմնադրությունը Սօտավոր Արևելքի մէջ//«Կեանք և Արուեստ»:
52. **Берберова Н. (1991)**, Люди и ложи: русские масоны XX столетия. Нью-Йорк, 1986, Москва.
53. **Вейл Ж. (1906)**, История республиканской партии во Франции с 1814 по 1870 гг. Пер. с фр. Москва.
54. История XIX века (1938), Под ред. Лависса и Рамбо, т. 3, Москва.
55. **Миллер А. (1994)**, Мустафа паша Байрактар. М-Л..
56. **Петросян Ю. (1971)**, Младотурецкое движение, Москва.

57. **Пименова Л. (1992)**, Идея свободы во французской революций XVIII века// «Новая и новейшая история». № 1, Москва.
58. **Ридли Дж. (2007)**, Фримасоны. Люди, творящие мировую историю. Пер. с фр., Москва.
59. **Ролен-Жекмен М. (1986)**, Армения, армяне и трактаты. Положение армян в Турции до вмешательства держав в 1895 году, Москва,
60. **Рубинский Ю. (1976)**, Масоны во Франции//«Вопросы истории». М., № 9.
61. **Сафрастян Р. (1985)**, Доктрина османизма в политической жизни Османской империи, Ереван.
62. **Соловьев О. (1992)**, Масонство далекое и близкое// «Новая и новейшая история». № 4, Москва.
63. **Тальмер М. (1906)**, Масонство и революция во Франции. «Русский вестник», март, том 302, Москва.
64. **Черняк Е. (1981)**, Западноевропейское масонство XVIII века. «Вопросы истории», М., 1981, № 12, Москва.
65. **Baylot J. (1968)**, La voie substituée. Liege..
66. **Դամգոսյան Օ. (2017)**, Les Francs-Maçons Arméniens et La Constitution de l' Armenie ottomane Constantinople 1863, Paris.
67. **Mitchel G. (2003)**, Bulwer Litton: The Rise and Fall of a Victorian Man of Letter. London, New York.
68. **Sommer D. (2015)**, Freemasonry in the Ottoman Empire: A History of the Fraternity and its Influence in Syria and the Levant. I. B. Tauris, London, New York.

#### REFERENCES

1. Azgayin sahmanatrut'iw n hayots', (1860, 1963), G. Polis:
2. **Albōyajjean A. (1910)**, Azkayin sahmanatrut'iw nē, ir dzakumē ew girarut'iw nē: Əntardzag ōrats'uyts' S. P'rgch'jean hivantanots'i hayots', G. Polis:
3. **Albōyajjean A. (1964)**, Zmiwrnoy dparannjerē// «Patmabanasirakan handjes», 1964, t'iv 2:
4. **Albōyajjean A. (1927)**, Minas Ch'jeraz, Kahirje:
5. **Acharjean H. (2001)**, Padmut'iw n hayots' nor krakanut'jean, Pēyruť:
6. **Asadur H. (1879)**, Sahmanatrut'iw n ew hay zh'oghovurdē, G. Polis:
7. **Asadur H. (2011)**, Gosdantnupolsoy hayjerē ew irjents' padriark'njerē, Sdanpul:
8. Adjenakrut'iw n Azkayin zh'oghovoy (1865), G.Polis:
9. Adjenakrut'iw n k' Azkayin zh'oghovots' 1860-1870 (1890), G. Polis:
10. **Adom (1914)**, Azkayin sahmanatrut'iw nē, kidzjer mjer mshaguyt'i patmut'jenēn, G. Bolis:
11. **Awjetik'jean K., Siwrmjeljean Kh., Awkjerjean M. (1979)**, Nor parakirk' Haykazjean ljezui, h. A, JErewan:
12. «Arshaluys Araradyan» (Zmyurnia), 1846-1848, 1850, 1861:
13. «Ardzvi Vasburakan» (Van, Varak), 1861:
14. «Arewmudk'» (P'ariz), 1859:
15. **Pjerpjerpjean R.**, Hay masōnnjerē yw Sēr ōť'jeakē Polsoy mēch// «Hayrjenik'», 1937, mard, t'iv 5:
16. «JErEWag» (G. Bolis), 1861:
17. **T'op'ch'jean JE. (1909)**, JEridasart T'urk'ian ew hayjerē: Masn arajin, T'i flis:
18. **T'umanjean G. (1906)**, Padmut'iw n Arewjeljean khntroy, Lonton:



19. **Kharatyan A. (2010)**, Arewmtahay sahmanadrakan sharzh'umě: Arewmtahayjeri azgayin sahmanadrut'yuně// Hayots' patmut'yun, h. 3, girk' arajin, JErewan:
20. «Dzaghik» (Zmyurnia), 1861-1862:
21. «Gjeank' ew Arujest» (P'ariz), 1935, 1936
22. «Hayastani koch'nak» (Nyu York'), 1957:
23. «Hayrjenik'» (Boston), 1937, 1954-1955:
24. «Hantēs amsōrjeay» (Vijenna), 1902:
25. **Hovhannisyan A. (1955)**, Nalbandyanē ew nra zh'amanakē, h.1, JErewan, ēj 365:
26. «Masis» (K. Polis), 1852, 1857, 1859-1862, t'iv 506:
27. «Mjeghu» (K. Polis), 1856, 1860-1862, 1865:
28. **Minas Ch'jeraz (1929)**, Gjensakragan miwsionnjer, Paris, ēj 71:
29. «Miut'yun» (Zmyurnia), 1860:
30. **Movsisyan F. (2018)**, Mik'ayjel Nalbandyani mason linjelu harts'i shurj: VPH mijazgayin gitazh'oghovi nyut'jeri zh'oghovatsu, Vanadzor, ēj 337-384:
31. Haydararut'iwn Barjegortsakan Ənkjerut'jean Hayots' (1861), K.Polis:
32. **Nalbandyan. M. (1983)**, JErkjeri zh'oghovatsu, h. 4, JErewan:
33. «Nor kjeank'» (London), 1899:
34. **Ch'ilingirjean K. (1883)**, Ugheworut'iwn i Gostantnupolis, Zmiwrnia:
35. **Palasanjean S. (1890)**, Patmut'iwn hayots', G.Polis:
36. **Pēylərjean A. (2003)**, Azad ormnatrut'jean mudk'ě Ōsmanjean kaysrut'iwn ew Polsoy haykakan Sēr ot'jeakē ZH'T' tarun// «Haygazjean hayagidagan handjes», hador IG, Pēyrut':
37. **Pērpərjean A. (1871)**, Padmut'iwn hayots', G. Polis:
38. **Pōghosjean h. JEp'rijem v. (1967)**, Padmut'iwn hay mshakut'ayin ěnkjerut'iwunnjeru, h. A, Viēna:
39. **Sarukhan (1912)**, Haykakan khntirn ew Azgayin sahmanadrut'iwně T'urk'iajum 1860-1910, A hador, T'i flis, ēj 246:
40. **Vardanjean Y. (1863)**, Sahmanadrakan jshmartut'iwunnjer u anonts' partavorut'iwunnjerē, K. Polis, ēj 40:
41. **Vruyr [M. Mamurjean] (1872)**, Haygagan namakani, Zmyurnia, ēj 124:
42. **P'ap'azjean A. (1862)**, Azkayin Batmut'iwn, G. Bolis, ēj 190:
43. **P'ap'azjean A. (2002)**, T'urk'akan vavjeragrakan nyut'jer Ōsmanyen kaysrut'yan och' mahmjedakan zh'oghovurdnjeri masin (1839-1915), JErewan, ēj 27-35:
44. «P'ariz» (Vijenna), 1861:
45. «P'ordz», 1876:
46. **K'jech'jean P. (1888)**, Padmut'iwn S. P'rgch'i hawantanots'in Hayots' i Gosdandnupolis, G. Polis, ēj 90:
47. **K'yomurjean JE. (1931)**, Stamboli batmut'iwn, Viēna, ēj 568:
48. **Ōrmanjean M. (1961)**, Azkatum, G hator, masn A, Bēyrut', ēj 3880:
49. **Fēnərjean A. (1954)**, Azad ormnadrut'iwně hayots' mēch// «Hayrjenik'» (Bosdon), hokdjembjer, t'iv 10:
50. **Fēnərjean A. (1935)**, Azad ormnatrut'iwně Mōdavor Arewjelk'i mēch// «Gjeank' ew Arujesd»:
51. **Fēnərjean A. (1936)**, Azad ormnatrut'iwně Mōdavor Arewjelk'i mēch//«Gjeank' ew Arujesd»:
52. **Bjepbjepova N. (1991)**, Ljudi i lozhi: pucckije macony XX ctoljetija. N'ju-Ūopk, 1986, Mockva.
53. **Vjeñl ZH. (1906)**, Ictopija pjecpublikanckoï paptii vo Fpancii c 1814 po 1870 gg. Pjep. c fp. Mockva.

54. Ictopija XIX vjeka (1938), Pod pjed. Lavicca i Pambo, t. 3, Mockva.
55. **Milljep A. (1994)**, Muctafa pasha Вайпактаp. М-Л..
56. **Քյէթբոցյան ՅՍ. (1971)**, Mladotupjeckoje dvizhjenije, Mockva.
57. **Pimjenova L. (1992)**, Idjeja cvobody vo francuzckoj pjevoljucij XVIII vjeka// «Novaja i novjejšhaja ictopija». № 1, Mockva.
58. **Pidli Dzh. (2007)**, Fpimacony. Ljudi, tvopjash`ije mipovuju ictopiju. Քյէթ. с fp., Mockva.
59. **Քոլյէն-ՉԻյէկմյէն Մ. (1986)**, Արմյէնիյա, արմյանյէ և տրակտատյ. Polozhjenije արմյան v Tупcii do vmjeshatjel`ctva djepzhav v 1895 godu, Mockva,
60. **Pubinckij ՅՍ. (1976)**, Macony vo Francii//«Voppocy ictopii». М., № 9.
61. **Շափթյան Ք. (1985)**, Doktpina ocmanizma v politichjeckoj zhizni Ocmanckoj impjepii, Ёрјеван.
62. **Շոլով`յէվ Օ. (1992)**, Maconctvo daljeckoje i blizckoje// «Novaja i novjejšhaja ictopija». № 4, Mockva.
63. **Tal`mjep M. (1906)**, Maconctvo i pjevoljucija vo Francii. «Pucckij vjectnik», mapт, tom 302, Mockva.
64. **ՇԻյէպնյակ ՅԵ. (1981)**, Zapadnojevropjejckoje maconctvo XVIII vjeka. «Voppocy ictopii», М., 1981, № 12, Mockva.
65. **Baylot J. (1968)**, La voie substituée. Liege..
66. **Jamgocyan O. (2017)**, Les Francs-Maçons Arméniens et La Constitution de l' Armenie ottomane Constantinople 1863, Paris.
67. **Mitchel G. (2003)**, Bulwer Litton: The Rise and Fall of a Victorian Man of Letter. London, New York.
68. **Sommer D. (2015)**, Freemasonry in the Ottoman Empire: A History of the Fraternity and its Influence in Syria and the Levant. I. B. Tauris, London, New York.

Ներկայացվել է՝ 31.03.2022

Գրախոսվել է՝ 06.06.2022

Ընդունվել է՝ 25.08.2022

Received 31.03.2022

Reviewed 06.06.2022

Accepted 25.08.2022

Получено: 31.03.2022

Рассмотрено: 06.06.2022

Принято: 25.08.2022

E-mail: [history.vsu@gmail.com](mailto:history.vsu@gmail.com)